



JO. DANIELIS HORSTII,  
Diverforum S.R.I. Elect. & Principum  
Conf. & Arch. Collegii Medici  
Francof. Senioris,

# PHYSICA HIPPOCRATEA,


TACKENII, HELMONTII,  
CARTESII, ESPAGNET,  
BOYLEI, &c.

*Aliorumque Recentiorum Compensata  
Illustrata.*



FRANCOFVRTI,  
Sumptibus FRIDERICI KNÖCHII,  
Typis JOHANN. ANDREÆ,

Anno M. DC. LXXXII.





*Hæssorum Principi Floren-  
tissimo*

ERNESTO LUDOVICO.

**R**Ecusam & Auctam *Phy-  
sicam* meam *Hippocrateam*,  
tibi sacro , quod jure  
hæreditario ad Te devolvatur.  
Genitori enim Tuo Pientissimo ,  
Hero meo desideratissimo , olim,  
ut vidēs ex Dedicatione , oblata à  
me fuit , & sereno quidem vul-  
tu suscepta. Tu quoque æqui  
bonique consule , & fave Avi Tui,  
Tuique Genitoris & Tui ipsius ab  
annis 44, addictissimo medico &  
servo

HORSTIO.



SERENISSIMO PRINCIPI

LVDOVICO,  
HASSIÆ LANDGRAFIO,  
HIRSFELDIÆ PRINCIPI, COMITI  
in Cattimeliboco, Dietz, Zigenhein,  
Nidda, Schaumburg, Isenburg,  
& Budinga.

DOMINO ET PRINCIPI MEQ  
CLEMENTISSIMO.

**I**nstat annus sextus & vigesi-  
mus, ex quo à Pientissimo Tuo Geni-  
tore in Archiatrum & Professore  
delectus, Serenissima Tua Celsitudini  
Physicam Patris mei, Tui quoque  
Pientissimi Genitoris & Avi olim  
Archiatři vigilantissimi, devotè inscripsi. Annus verd  
sextus & decimus elapsus est, cùm hanc quoque, Marpurgi  
tum à me propositam, Tuo nomini sacrarem. Compara-  
bam Te, Auguste Princeps, tum Soli. Ut Sol, infere-  
bam in Epistola Predicatoria, Oculus seu Cor Mundi  
est;

## DEDICATIO.

est ; ita Tu Princeps, *ajebam*, Cor, Dux & Moderator noster aliquando eris. Et uti Sol assiduè sursum rapit tenuissima, ita Tu à prima infantia etiam tenuissima rimari voluisti, quæ faciunt ad virtutis & eruditionis splendorem ampliandum. Linguam Latinam, Gallicam & Italicam ita Te didicisse, ut alii elegantiam, alii copiosum illud verborum flumen admirentur, resequidem est magna & quavis laude dignissima. *Ast hoc magnum majorum factis nihil te debere, hoc demum est, quod incendit amorem subditorum tuorum, & auget spem atque admirationem eorum, qui exercitia Tua sive equestria, sive literaria propius intuentur.* *Hæc olim.* Neque vanus fuit tum *Aru*spex ! Post obitum enip̃ Beati & Desideratissimi Tui Parentis, Principum totius S. R. Imperii Præstantissimi, saluberrimis Tuis consiliis ita lugentem ac titubantem Patriam feliciter refocillæ, ut illa Patrem Optimum Maximum non defunctum, sed in Te superstitem prolixè expectiatur. Nihil liberorum reliquit Romulus fortissimus. Nihil Reipublicæ utile Religiosus Numa Pompilius. Nec *Ærenius* Camillus sui similes filios aut nepotes habuit. Neque bellicosus Scipio. *Ast felicior longè his fuit Pater noster defunctus Pater Desideratissimus, Magnus noster Princeps GEORGIUS, quod in Te vivat, vivat, cum ipsius Pientissimi Ducis virtutes vigeant in Te, floreant & rutulent.* Nec Tu Ipse olim infelicior eris, quem DEUS tam amantè beavit filiis : quibus, ut & Tibi, Princeps Clementissime, fausta quaque reiteratâ hæc dedicatione humiliter precor. Grandia quidem beneficia, eaque concatenata, quæ citra meum meritum, à Tuis Parentibus & Tua Celsitudine Serenissima accepi, & in hunc usque diem accipio, exigent meliora & ex Pario potius Marmore exstructa monumenta, quàm hæc pagellas molli Papyri

levi-

## DEDICATIO.

*lepidenses. Cum verò & Diu lacterustici, multaque gentes supplicent, & molâ tantum salsa litent, qui non habent thura, nec ulli vitio fuerit, Deos colere quoquo modo posset. Proinde spero & confido, Serenissimam Tuam Cellitudinem hoc chartaceum munusculum gratiosa manu susceptram, idque, ejusque Authorem contra Zoilorum insidias propugnaturam esse. Vale hisce, Serenissime Princeps, & temeritati ac audacia mee ignosce. Nunquam erit obscura aut irrita insignis gratia, quam in me, tenuem licet, hætenus contulisti, quamque pectoris tegumentis diutius tenere sepultam non passus, publico hoc encomio germanâ fide deprecicare nunc volui. Vale.*

Sereniss. Cellit. T,

Darmst. 1663,  
30. Januar.

*Subjectissimus Client*

JOH. D. HORSTIUS.

DISSERTATIO. I.

DE

CORPORIS NATURALIS PRINCIPIS.

*Resp.*

Daniele Ludovico Mettenio.

I.



Naturæ scientiam, haud secus ac Medendi Artem, primus omnium exactius expoluit *Hippocrates* Cous: Vir ob insignē eruditionem omni elogio dignissimus, qui *Macrobio* iudice, nec fallere poterat, nec falli, à quo, & *Ocello Lucano*, *Pythagoræ* auditore, in *Physicis* multa mutuatus *Platonis* discipulus, *Aristoteles* ille pansophos: Tanti quoque *Hippocratem* facit *Helmontius*, ut l. *Promiss. Autor.* inscripto, n. 2. rarissimi doni Virum, appellare, & Adeptorum judicare participem, haut dubitet.

II. Cognosci autem debet tum in genere, seu (secundum lectionem *Hippocr.* *Cornarii*,) communi, uti innuit, l. *de aere, aq. & loc. t. 9.* tum in particulari, ratione corporum naturalium in specie consideratorum: qua in re *Hippocratem* secutus *Aristoteles* primò in



communi aliquid de corpore naturali, *libris 8. ausc.* exponit, postea verò sigillatim *libris Phys. seq.* de una alterave corporis naturalis specie agit. Eandemque hætenus Methodum observarunt Recentiorum fere plerique: ipseque *Cartesius* priusquam de *Mundo æstetabili part. 3. Princip. Philosoph.* differere instituit, in *preced. part. 2.* multa de *Principiis Rerum Materialium* suo more proponit: huncve tanquam Ducem, *Regius* in *Philosoph. Natural. & A. le Grand*, tam in *Histor. Natural.* quàm in *Instit. Philosoph. part. 4.* alique benè multi præfò pede sequuntur.

III. Ipsa vero naturalis scientia Medico maxime necessaria est, unde quilibet Medicus omni studio anniti debet, inquit *Hippocr. l. de vet. Med. t. 131.* ut de Natura sciat, tam Physicè, quàm Medicè: quam tamen ultimam Naturæ cognitionem non aliunde, quam ex ipsa Medicina haurire possumus. *Hippocr. l. 6. t. 129.* Prior hujus loci est propria.

IV. Communis autem seu generalis corporum naturalium tractatio exponit communia Principia, quæ neque ex se mutuo, neque ex aliis, sed ex quibus omnia fiunt, quibus cognitis additur explicatio Affectionum communium.

V. In fieri considerata illa communia Principia sequenti modo exponuntur. Aut unum est Principium, aut plura. Unum non sufficit ad ortum & agendum, ab uno non fieri potest generatio, inquit *Hipp. de nat. hum. t. 8.* Unde nec aqua *Thaletis*, nec ignis *Heracliti*, nec ær *Anaximenis text. 2.* nec substantia informis *Melissi text. 4.* nec aliud quid unum esse potest, fusius hæc exponente *Paparella pag. 16.* Plura non sunt infinita. Neque etiam duo sufficiunt, quia nullum contrarium sibi simile contrarium efficit,

cit. Addendum igitur tertium, *prima rerum materia*; Chymicorum primum Ens, Iliaster, hyle, terra Adamica & primum Sperma. Ex prima enim materia insita unumquodque non ex accidenti generatur, & in eam ultimò resolvitur: *Hipp. dicti libri t. 17.* Conset cum his Aristotelis *l. 1. auscult. t. 2. c. 47. 51. 52. 42. 65. 66. 82.* uti nervosè hunc exponit *Perizonius pag. 8. & seq.* *Cartesius v. Part. 2. Princip. Philosoph. §. 64.* non alia Principia in *Physica*, quàm in *Geometria*, vel in *Mathesi* abstracta à se admitti, nec optari, scribit, quia sic omnia Naturæ Phænomena explicentur, & certæ de iis demonstrationes dari possint. Hinc omnia in Natura juxta Leges fieri Mechanicas innuit *part. 2. Epistol. p. 110. 146. 147. 276.* ad quam deducendam nullis aliis opus esse, ait, Principiis, quàm *Materia & Motu*; idque illustrat exemplo ferri, artificis operâ, in Cultrum, Horologium, Vomerem, Sagittam &c. laborati: quorum omnium varia est utilitas, & operatio, pro diversa *Situs, Magnitudinis, Motus, Figura, ac Numeri* partium ratione: Ita pariter verosimilimum censet, ex eadem universi Materia res omnes naturales inter se dissimiles, propter diversam *Materiæ* particularum dispositionem, *Motum, Situm, Numerum, Magnitudinem, Figuram*, effangi ac conflari. *Formam* proinde *substantialem* in rebus naturalibus, excepto Homine, dari negat, nihilque nisi modos *Materiæ* esse, (quandoquidem omnis *Materiæ* variatio, siue omnium ejus formarum diversitas à motu pendet,) asserit. Id quod fusius explicant *A. le Grand. d. l. artic. 10. §. 3. seqq* *Regius l. 1. Philosoph. Natural. c. 4.* aliique plures. *Gassendus* quoque *Physic. sect. 1. l. 4. c. 8.* solam *Materiam* (licet non eadem cum *Cartesio* ratione explicet,) *Principium Genera-*

tionis internum ponit, *Formam* verò pro effectu & fine Generationis habet. *Helmontius* interim l. *Natur. contrarior. nesc.* n. 11. *Medicinam* physicè operari, nec per solam stare *Mathesin*, ajens, principia rerum naturalium duo statuit, in *Trade Caus. & init. naturalium*, unum sc. *materiale*, quod est succus aliquis genericus, alterum *seminale efficiens*, dispositivum, dirigens *Principium Generationis*, neque pluribus opus habere res corporeas singulas, ait n. 13. *Causæ* verò huic *Efficienti Naturali*, quam *Archeum seminale* vocat n. 7. suam à *DEO* insulam esse scribit n. 11. & 12. finium, & habitudinum scientiam. Id quod tamen intelligendum est de non animatis: Nam animatis superaddendam aliquam esse monet n. 15. vitam, sive animam viventem. Insuper n. 23. docet: Duo, neque plura esse corporum & causarum corporalium prima initia, *Elementum Aqua* sc. sive initium ex quo, & *Fermentum*, sive initium seminale per quod. Est autem ipsi *Fermentum Ens* creatum, formale, quod neque substantia, neque accidens, sed neutrum, per modum *Lucis, Ignis, Magnalis*, (id est spiritus universi) formarum, &c. conditum à mundi principio in locis suæ Monarchiæ, ut semina præparet, excitet atque procedat; hoc est nempe *Fermentum* in genere n. 24. Hinc tria corporum Principia, *Paracelso* tantopere jactata, etiamsi reperirentur in singulis constitutivis, vim tamen principiandi habere negat, cum potius sint fructus seminum, &c. n. 13.

VI. Obtinet autem *prima materia* potentiam ad quamvis formam, quæ tamen adventu privationis ad hanc aut illam formam terminatur. Alterum enim *Principium Forma*, ille *Chymicorum Archeus* & quinta essentia, materiæ potentiam aëtuat, & ipsius com-

compositi essentiam determinat, ac rei largitur quid-  
 ditatem, estque terminus ad quem totius Generatio-  
 nis ex potentia materiz eductus: unde facile colligere  
 est, ipsam privationem, tertium Principium (transmu-  
 tationis puto non constitutionis,) esse carentiam  
 formæ in subiecto, quod tamen aptitudinem habet  
 ad eam recipiendam; esse, inquam, terminum à quo  
 in Generatione. Carentiam dico certæ formæ, aliàs  
 quodvis fieret ex quovis: uti fusius hæc exposuit  
 Hipp. secutus Aristoteles L. c. 1. 6. 9. 2. Phys. t. 29. 2. de  
 Gen. t. 52. 1. Phys. t. 66. 5. Metaph. t. 27. 10. 51. 1. Phys. t.  
 59. 20. Materiam illam primam quidam Atomos  
 existimant. Distinguunt autem quidam Ato-  
 mos in Atomos Elementorum, & Elementato-  
 rum. Hinc Physicæ Atomistica, seu Corpuscularis, ut  
 vocari hodiè solet, Principia eruuntur, dudum à De-  
 mocrito, Græco Philosopho, ante Aristotelem, & post  
 hunc, ab Epicuro asserta, quamvis non eodem in omni-  
 bus consensu. Diu postmodum sepultam hanc Natu-  
 ram contemplandi, & explicandi rationem resuscita-  
 vit, Physicæ Experimentalis Fundamenta qui jecit,  
 Francisc. Baco, de Verulam. l. 3. de Augment. Scientiar. c.  
 2. & 3. Petrus Gassendus vero eam præprimis ex ru-  
 deribus Epicuri apud Diogenem l. 10. prolixo admodum  
 Commentario, eruere allaboravit: ubi innumerabi-  
 les supponens Atomes, diversis Figuris & Motu prædi-  
 tas, à DEO creatas, atque ex iis omnia corpora com-  
 posita esse, docet. Secuti hujus vestigia sunt Char-  
 leton in Philos. Epicur. Willisius Tract. de Anim. Brutor.  
 & de Fermentat. Kenelm, Dygbaius l. de Immortal.  
 Anim. Rational. de Pulv. Sympathet. de Vegetat. Plan-  
 tar. &c. cum quibus præsertim Johan. Baptist. de Ha-  
 mel,

mel, lib. 4. de Consensu Veter. & Nov. Philosoph. congiungi merentur. Sed Atomorum Defensores potentiam passivam non negant, dum illarum inæqualitatem & figuræ diversitatem admittunt, monente Francisco Bayle Dissert. Phys.

VII. In facto Principia enumerata constitutionis, materiam & formam exhibet Natura, quæ utrumque includens nunc activum nunc passivum Principium existit, nunc motus, nunc quietis ejus, cui inest per se, non per accidens. Natura enim corporibus naturalibus omnibus per omnia sufficit. Hipp. de aliment. aph. 9.

II X. Ipsi verò forma & materia maximè familiarè est causas esse, ut non immeritò in communi hac corporis naturalis declaratione causæ explicandæ veniant tam essentielles quàm accidentales. Ab illis in suo genere per se pendet effectus. Accidentales verò per se ad effectum non concurrunt. Sunt enim putitix & dicuntur Casus & Fortuna.

IX. Essentiales sunt quatuor; internæ, materia & forma: externæ, efficiens & finis. Accidentales sunt Fortuna & Casus. Ex Materia Hippocrate teste l. de princip. s. carn. t. 117. dicimus res fieri. Per formam verò res ipsa essentiam & existentiam propriam accipit, ut alterum alteri in nulla re simile sit, uti infert figuli exemplo l. 1. de diata. 205.

X. A causa autem efficiente primum mutationis principium deducitur. Efficiens enim agit, modis quæ variis & mirabilibus: etiam si ipsa Natura nullo utatur Doctore, Hipp. de alim. aphor. 21. præter divinam necessitatem, lib. 1. de diata t. 87. Agit autem Efficiens propter Finem. Omne enim quod fit, propter quod fieri comperitur, atque etiam in singulis propter quid

quid fieri videtur, inquit Hippocr. lib. de Arte. à quibus non abludit Aristoteles l. 2. Phys. t. 9. 22. 29. 75. 76. 77.

XI. Accidentales causæ per se non concurrunt ad effectum, ut dictum. Fortuiti verò illi effectus ad causas evidentes referri possunt & debent, ad Deum scilicet, bonos malosque Angelos. Hipp. 1. de diet. t. 87. hominum temperamenta, de aere, aq. & loc. t. 6. astrorum influxus, text. 11. mores hominis, text. 7. & materiæ fluxibilitatem & varietatem: v. gr. ventorum, text 4. lib. 1. cit. de diet.

XII. Sic *Monstrorum* quoque cause sunt 1. imbecillitas agentis, v. g. leminis vis plastica debilis, debilisque calor ad perfectam generationem summè necessarius, Hippocr. de nat. pueri passim. 2. defectus materiæ aut excessus: unde partium corporis defectus & excessus. 3. vitium continentis, uteri scilicet, l. 1. de morb. mulier. explicante Cordao, com. 3. 4. cœlestis influxus, atque s. ipsa vis imaginatrix prægnantium: de quibus passim Hippocrates, & nos loco convenienti agemus.

## COROLLARIA.

1. An *Physica* sit scientia, cum multos actus practicos includat, v. g. per fistulam trahitur aqua aere attracto, motus rectus sit linea recta, &c.?

2. An objectum *Physica* sit *Ens mobile*, *Ens naturale*, corpus substantiale?

3. An Principia rectè definiantur?

4. Quomodo Principia contraria?

5. *An prima materia Ens ?*
6. *An pura puta potentia ?*
7. *An forma ex materia potentia educatur ?*
8. *An forma tota rei quidditas ?*
9. *An privatio Principium ?*
10. *An natura rectè definiatur Principium motus & quietis ejus, cui inest per se, & non secundum accidens ?*
11. *An Angelus naturam habeat, & num moveatur ?*
12. *An natura agat propter finem, & annon plures cause quàm quatuor ?*

## F I N I S.





DISERTATIO II.

De

AFFECTIONIBVS CORPORIS NATURALIS.

Resp.

Joh. Daniele Moltero.

I.

**E**Xpositis *Principiis*, sequuntur *Affectiones*, & inter eas primò omnium *Motus*, quo ignorato, ignorari debet ipsa *Natura*, ut rectè concludit Aquilienſis Patriarcha *Hermelaus Barbarus*, Venetus Patriſius pag. 9. *Motus* enim & quietis *Natura* est *Principium*: quæ, (ut *Zoroaſtri* verbis *Oraculor. ſect. 6. lin. 16. pag. mibi 9. loquat,*) *inſatigabilis imperat & movet*: unde *motus Principio*, dicente *Alex. Aphrodyſco* pag. 105. *corpora naturalia differunt à non naturalibus.*

II. Cùm verò ipſe *Motus* ſit ex eorum numero, quæ ad aliquid ſunt ratione actionis & paſſionis, adeoque quaſi vinculum repræſentet inter movens & mobile: actus dicendus eſt Entis non niſi in potentia quatenus in potentia: ringantur ut *Ilia Teleſio* pag. 173. *Inflammatio* enim v. g. eſt actus cerebri, quod moveri poteſt à frigore ad calorem, quatenus ſcilicet à bile, febribus, &c. moveri id aptum natum eſt. *Carteſ. part. 2. Princip. Philoſoph. §. 26. 27.* ſicuti *Motum & Quietem* diverſos tantum corporis moti modos eſſe cenſet, ita non plus



aëtionis ad *Motum*, quàm ad *Quietem* requiri, statuit. Et licet nobis ab ineunte ætate aliter persuaserimus, quod corpus nostrum soleat moveri à nostra voluntate, magno tamen in hoc nos laborare præjudicio, docet: & exemplo navigii, in aqua stagnantis, (ad quod quiescens impellendum non majori quàm ad idem, cum movetur, subito retinendum, labore utimur,) rem hanc illustrare conatur.

III. Movens verò agens, mobile patiens constituit, uti calidum corpori motum concilians agit, agens est: corpus verò mobile patitur, patiens est, quemadmodum colligere licet ex *Hippocrate nostro* 1. 71. lib. de *Carnib. seâ Princ.* quem hoc quoque loco, nullâ ejus interim factâ mentione, sequitur operosus ille 747. librorum Scriptor *Arist. 3. Phys. 8.* Agentis verò & Patientis unus idemque motus est, inflammatio v. g. in cerebro passio, progressa à bile actio dici potest.

IV. Ipsum Mobile semper est naturale. Movens verò naturale est quandoque; quandoque non naturale, quod ipsum includit *cælum*: uti illud, naturale puta: *sublunaria*, quæ ex fundamento reactionis faciunt, ut ipsum quoque ex eorum numero eorum movens afficiatur simul. Infinitum verò quod innuit ly continui motus, ratione quantitatis saltem concipitur.

V. Species autem motus facilius & felicius explicantur, præmissâ *Loci & Temporis* explicatione. Locus enim requiritur à corporibus naturalibus necessario, est enim superficies seu terminus concavus corporis continentis immobilis primò. Unumquodq, suum tuetur locus. Nam quæ ad minores tendunt, ad minorem locum secernuntur: quæ verò ad majus pro-

proficiscuntur, admixtione aliorum in maiorem classem transferuntur. Peregrina verò diversis moribus prædita ex aliena regione pelluntur, inquit noster Hippocr. lib. 1. de diat. 1. 97. pag. 400.

VI. Hinc elucescit, locum continere locatum, non tamen esse de ipsius locati essentia, nec esse maiorem minoremve locato; habere locum omnem differentias positionum sursum deorsum, atque unumquodque ferri ad suum locum naturaliter: quædam in loco esse actu, quædam potentiâ. Ipsi loco opponitur vacuum, quod in rerum Natura non datur. Videatur Hieronymus Savanarola Ferrariensis pag. 262. 263.

VII. Tempus autem, cujus cognitio Medico summè utilis, Hipp. lib. de etat. & sect. 1. aph. 5. est ipsius motus numerus secundum prius & posterius. Omnibus enim temporibus, inquit Hippocrates noster de septim. insunt amica multa, multa hostilia; quorum ista quidem sanitatem & incrementum afferunt, hæc morbos & mortem. Meritò igitur dicit Hippocr. sect. 1. aph. 5. cit. conspicari tempus oportere: uti fusius exponit pag. 17. Archiater Juliani Imperatoris Orbisus. Non autem vis illa est temporis, nisi ratione motus, cujus numerus. Numeratus inquam, non numerans.

VIII. Partes habet tempus præteritum & futurum per τὰ νῦν continuatas. Nam ex eo, quod abiit, (loquor verbis Hermetis de provid. & fato ad Tatium pag. mihi 38.) præsens fit, & ex præsentis futurum advenit. Estque aliud tempus longum, aliud breve. Hippocr. præcept. 1. 2. In acutis morbis brevi, seu occasione, quæ præcepta, Aphor. 11. indigemus, in chronicis longo. Ipsi verò temporis tractationem

primus omnium perspicacius exposuit *Archytas*, à quo suam temporis historiam hausit *Aristoteles*, *Archytæ* autem temporis expositionem *Simplicius* habet categoriâ *quando*.

IX. Quoad specialem Motus considerationem ipse Motus nil aliud est, quàm mutatio de subiecto in subiectum. Accidit hoc ratione quantitatis, qualitatis & loci. Ratione quantitatis augmentatio fit & diminutio. *Hippocr. l. 1. de diat. t. 33.* augentur omnia ac minuuntur ad summum & ad minimum, quantum ejus fieri potest, *lib. cit. t. 398.* unde augescit majus à minore, *text. 97.*

X. Ratione qualitatis fit alteratio. Permixta enim & discreta alterantur. *Hippocr. l. 2. de diat. t. 87.* Ratione loci, loci mutatio. Hæc vel naturalis est, vel violenta. Naturalis proximè à proprii mobilis forma est: estque circularis aut recta. Violenta constituit pulsionem, vectionem, tractionem, circumvolutionem: quibus adde motum projectionis. (*Petr. Gas-send. dict. sect. lib. 5. c. 2.* omnem Motum ex origine sua naturalem esse vult, quatenus scil. est ab Atomis, quæ sponte Naturæ moventur: Quod verò aliqui Motus violenti sint, id secundarium, seu ex ipsa rerum concretarum, prout cum repugnantia moventur, Natura esse docet.) Quandoque verò, minus tamen propriè, localis motus exprimitur augmentatione & decrectione, uti colligere est ex allegato textu *Hippocr. 97. lib. 1. de diata*, cum quo idem sentit *Aristoteles l. 8. Phys. t. 55.* hujusque Commentator *Montecatini pag. 287.* Cum *Hippocrate*, inquam, *Aristoteles* idem sentit quoad hanc rem. Sunt quidam, qui ex *Averroë* putant in *Aristotelis* cerebro Physicam natam esse, imò *Hippocratem* fuisse ignotum ipsi, ab *Hippocrate* nihil

nihil didicisse *Aristotelem*, nihil mutuatum esse. At verosimile non est, *Aristotelem* tam celebrem Philosophum & Medicum ignorasse, qui & *Syneseos Cyprii* Medici, & *Polybi* Hippocratis auditoris mentionem fecerit, & iisdem quandoque verbis locutus fuerit. *Cartes. part. 2. Princip. Philosoph. §. 24.* Præter motum localem, alium sub cogitationem suam non cadere, scribit, nec ided etiam ullum alium in rerum Natura fingendum esse putat. Alium quoque Motum præter Localem, hanc agnovisse *Epicurum*, ostendit *Gassend. d. l. p. 163.*

XI. Unde verò motus unus sit diversus, contrarius, dispiciendum. Unus verò motus dicitur vel genere, vel specie, vel numero. Unus motus est partium, v. g. omnium corporis animalis in genere, voluntarius quibusdam unus specie, unusque numero sanguinis, venarum scil. cavarum. *Hippocr. lib. de carn. t. 64.* Ita olim innotuit ipsi *Coo sanguinis circulatio*. Diversitas vero est ratione intensiōis, remissionis, tarditatis, celeritatis. Contrarietatem motuum quod attinet, alteratio v. g. à sanitate ad morbum contraria est alterationi à morbo ad sanitatem, uti sunt motus illi amici & hostiles, *l. c. de septim. Hipp.* Ipsius motibus contraria est *Quies*, privatio ejus, quod moveri potest.

XII. Nihil autem movetur à seipso, sed à movente, uti supra notatum *thesi 3.* In moventibus verò non datur processus in infinitum : sed datur quoddam primum movens. Omnia autem, adeoque ipsi motus, eveniunt per *Σύν αὐτῶν*, & quæ volunt, & quæ non volunt, infert *Hippocr. l. 1. de diata. textu 87.* unde primum motorem ingenitum, & invisibilem olim dixit *Hermes*, ad *Asclep. lin. 17. & 18.* *Aristoteles* quoq;

primum motorem dixit immobilem, l. 8. *Phys.* cap. 5. perpetuum c. 6. potentia infinita, c. 10. unum, c. cit. qui causa sit motus circularis, cap. 7. motus nempe perfecti, cap. 8. 9. Quae omnia, ut aliquoties dixi, fusius enucleat cit. locis *Aristoteles* Stagiritae, octo nempe libris *auscultationis Phys.* quorum, cur nullam mentionem faciat *Diogenes Laertius*, miror. *Iustinus* verò *Martyr*, M. Antonini tempore florens, novem vidit. (*Cartesius* d. l. §. 33. Ex hoc, quod alibi, paullo sc. superius, animadverterit, loca omnia corporibus plena esse, semperque easdem materiae partes aequalibus locis coaequari, colligit, nullum corpus moveri posse, nisi per circulum, ita sc. ut aliud aliquod corpus, ex loco, quem ingreditur, expellat, hocque rursus aliud & aliud, usque ad ultimum, quod in locum à primo derelictum, eodem temporis momento, quo derelictus est, ingrediatur. Causam verò Motus contemplans, duplicem adducit §. 36. primo scil. universalem & primariam, à qua omnes in mundo motus: hancque non aliam, nisi ipsum DEUM esse scribit: dein aliam particularem, à qua fit, ut singulae materiae partes motus quos prius non habuere, acquirant.)

## COROLLARIA.

1. *An Motus rectè definiatur?*
2. *An sit in predicamento?*
3. *An differat à termino ad quem?*
4. *An motus in mobili aut movente?*
5. *An Locus rectè definiatur?*
6. *An caelum in loco?*

7. *An sola corpora in loco ?*
8. *An tempus Ens reale ?*
9. *An Motus fieri possit in instanti.*
10. *An aliquid à seipso moveri possit ?*
12. *An movens & mobile simul ?*
12. *An primi motoris tractatio spectet ad Physicam ?*

F I N I S.





## DISSERTATIO III.

De

## MVNDO, COELO, ELEMENTIS.

Resp.

Gerhardo Thilenio, Francof.

1.

**D**E corpore naturali in *Communi*, tum ratione Principiorum, tum ratione Affectionum dictum est: In *particulari* verò species naturalium corporum vel *simul sumptæ* sub Mundo representantur, vel *singulæ* seorsim considerantur.

II. *Mundus* à Deo Optimo Maximo ante annos 5428. *Octavo Septembris*, nisi fallat calculus, ex nihilo creatus, ordinata compages est è coelo & terra, & reliquis naturalibus corporibus. Estque *unus* Mundus, nulla forma, præter ordinem partium, informante constans: *perfectus*: qui tamen habuit Principium, *Hipp. de carnib.* atque magnitudine finitus existit: nullæ enim Mundorum infinitates, *Hipp. Epist. 17. text. 25.* Ipse verò Mundus contenta omnia sustinet, ut homo ducatur ad Creatoris notitiam & cultum: humanam maximam felicitatem. (*Cartes. part. 3. Princip. Philosoph.* generalem totius Mundi ad spectabilis constructionem propositurus, primam quandam assignat materiam, non infinitam, neque finitam, sed indefi-

definitam : quam materiam, cum omnia occuparet spatia, ( neque enim in Natura vacuum dari vult, ) à DEO dicit contractam, in minutissimas particulas. Ex his postea deducit tria ista Elementa Mundi aspestabilis, unde omnia illius corpora componi ostendit, prout §. 52. & seqq. videre est. Conf. quoque quæ habet in *Dissert. de Method.* p. 26. seqq.)

III. In specie & seorsim corpus naturale consideratum vel Cælum est, vel corpus subcæleste. Hoc continet elementata & elementa. Cælum verò ( Chymicorum corpus influens, uti optimè innuit Hippocr. de morb. l. 3. pag. 233. lin. 29. ) ejusque Natura à Medico maximè cognosci debet, Hippocr. de carn. concurrit enim ad universi perfectionem, ac movetur motu circulari fons omnis vitæ & motionis, generationis tamen, augmentationis & corruptionis expertus: corpus interim naturale, simplex, rotundum, perfectum. Non vidimus, inquit Ocellus, Pythagoræ auditor, in melius aut mutatum, ἔτι χεῖρον ποτὲ, ἢ μείον γενόμενον : à quo & Plato sua hausit, Aristot. l. 1. de cælo. t. 11. 18. lib. 2. t. 20. 21. 22.

IV. Dividitur ipsum Cælum in primum mobile, & secunda mobilia, stellas scilicet erraticas & fixas, quarum densitas lucem parit. Illud prima creatura corporalis est. Erraticæ verò stellæ Planetæ sunt septem, à Deo factæ 12. Septembr. Sol tum occupavit, ut & Jupiter ac Mercurius Leonem, Luna Taurum, Saturnus Libram, Venus Caacrum, Mars Virginem.

V. Sol, Mundi Cor, Princeps est, Dux & moderator luminum reliquorum. Edacit insuper, & sursum rapit assiduè id, quod tenuissimum est, non ex aquis tantum stagnantibus, verùm etiam ex ipso mari, & ex omnibus, in quibus humidum aliquod inest :



ineſt autem rebus omnibus. Hippocr. l. de aere, aq. lot. t. 245. Cor eſt & oculus totius Mundi, terra major centies ſexagies bis, ſecundum Copern. ſecundum Ptolom. centies ſexagies ſexies. Solem formaliter calidum eſſe, atque igneum pluribus, tam ex lacris, quam profanisliteris, deſumptis argumentis evincere conatur Caspar Schottus in *praefatione*. in *Itinerar. Ecſtatic.* A. Kircher. p. 170. ſeqq. Aſt cœleſtium rerum & ſubterranearum ſcientia incerta eſt, Hippocr. de veteri Med. text. 5. Luna verò hepar quaſi Mundi eſt, corpore conſtans ſolidiore & inæquali ac ſalebriſo. Terra quidem minor quadragies ter, Sole ſepties millicies. Hepar enim Mundi eſt, cum Macrocoſmo id ſerè præſtet, quod Microcoſmo ipſum hepar, uti colligere licet ex Hippocr. l. 1. de diata. c. 143. Saturnus autem terra major eſt nonagies ſemel, ut Jupiter nonagies quinquies, Mars ſemel cum una tertia. Venus verò minor terra vicies octies, & Mercurius minor omnium. De Venere notant Neoterici, illam inſtat Lunæ lucere, qua de re Urbanus VIII. Papa.

Hinc inde vitro per cava fiſtula vidit hæc ætas Venerem bicornem fulgere, Phæbes æmulam.

VI. Fixarum numerus certus juxta Pſalterium ſoli Deo notus eſt, tam multæ, tam exiles, tam variæ variis in regionibus firmamenti, quod illarum ſphæra, poſitæ ſunt. Numerarunt verò diligentiores Mathematici mille viginti duas.

VII. Corpus autem ſubcœleſte in ſe comprehendit Elementa & Elementata, quæ ex illis conſtantur. Elementa enim ipla corpora ſunt ſimplicia, in quæ corpora mixta naturalia deſinunt. Hippocr. de nat. hum. t. 17. cum ex illis primò conſtituantur. t. 12, 13. l. cit. unde mixtorum alimenta quaſi dici poſſunt, vid. Bert. l. 1. Med. c. 1.

VIII. Nisi autem *calidum* cum *frigido*, & *siccum* cum *humido* mediocriter, mutuo & æqualiter se habuerint, nec alterum alteri plurimum prævaleat, & validius imbecilliori : nulla unquam Generatio fieri poterit, *Hippocr. lib. cit. l. II.* Unde pro quaternâ qualitatum combinatione quatuor elementa exoriantur: *Aqua frigida humida: Terra frigida sicca: Ignis calidus siccus: Aer calidus humidus*, uti post *Hippocratem* fufius deduxit *Theophrastus*, *Aristotelis* quoque ad *Scholam* & *Bibliothecam* hæres & fuccellor doctiffimus.

IX. *Aqua* & *Terra* elementa funt gravia, & infuper principalia, quorum folùm mentionem fecit *Sacer Codex*. In Principio enim *Deus* creavit *Cælum* & *Terram: Aquam* puta & *Terram*. *Coeli* enim *Schamajim*, antequam firmamento divideret *Dominus* aquas ab aquis, & ipsi fuerant *Majim* *Aqua*: Tota verò regio *aeris* & *ignis* tum temporis non fuit nifi *aqua* & *terra*. *Aquæ* enim & *terræ* maritatus: quasi erat tunc *ignis*, maritatus *aer*, unde adhuc habet *ignis* ab *aqua* humiditatem, (verba funt *Hippocr. l. de diat. text. 65.*) ut mutuo *aqua* ab *igne* ficcitatem. Minus igitur principalia & levia elementa funt *Ignis* & *Aer*: Sunt quasi priorum ligamina, ut illorum ratione rariores, tenuiores, leviores, mobiles, temperatæ fiant mixtæ res ex ipsa *aqua* & *terra* oriundæ. Ex *aere* enim & *igne* per fe nullum v. g. fit animal, aut factum. *Terra* produxit animam viventem: *Aquæ* produxerunt reptile animæ viventis, & volatile super *terram*.

X. Conftituunt autem *Terra* & *Aqua* unum globum: & in mixtis quidem *terra* bene terminabilis proprio termino, difficulter terminabilis alieno, ipsam materiam fuppeditat per *aquam*, indeterminabili-

lem proprio, (semper enim in declive fertur. Hippocr. de nat. pueri, t. 60.) terminabilem alieno termino: concinnè figurandam. Hinc aquæ varietas maximè immutat corpora nostra, lib. de aere, aq. & loc. t. 3. aliam fovet Boreas, aliam Auster, t. 24. l. 6. Omnium verò Mater Mare. Ipsa Terra Mater quasi est in Macrocosmo, Aqua Pater.

XI. De Aere & Igne nota, quod quidam profusus ea elementa eliminant: ast injuriâ, uti ex dictis jam elucet satis. Aerem verò non differre ab æthere putârunt Zoroaster & Orpheus. Ocellus tamen distinguit, quo in aere Naturæ contentionis locus sit, in æthere non, sed & Veneris stella passa est, & Hipparchi nova genita, & multi Cometae. Formæ igitur ratione differunt, non materiæ. (Helmontius in Init. Phys. inaud. duo elementa primitiva constituit, Aquam scilicet, tanquam Materiale, & Aerem, quem Tr. Gas Aqua §. 3. & 4. Cælum vocat. Idem quoque, quod in creatione hujus universi nulla ignis mentio fiat, Ignem esse elementum, negat, Tr. de Element. n. 8.) Chymicorum Sal, Sulphur & Mercurium, rerum scilicet principia, Nobilissimus R. Boyle opponit in Chymista Sceptico. Conjunge Phys. restit. Espagnet, & Comenium.

XII. Præter verò Elementorum qualitates manifestas primas suprà expositas dantur secunda: Raritas, scilicet & densitas: subtilitas, crassities: asperitas, lenitas: levitas, gravitas: durities, mollities: ariditas, lubricitas: friabilitas, & huic contraria qualitas, lentor: quibus omnibus addendæ Occultæ.

## QVÆSTIONES.

1. An Mundus perfectus?
2. An Motus Calii naturalis?

3. *An ignis in silice ?*
4. *An aqua suâ naturâ frigida ?*
5. *An aer congelari possit ?*
6. *An pisces respirent ?*
7. *An Embrio respiret ?*
8. *An cæli influxus detur in inferiora ?*
9. *An cælum ex aquis constet ?*
10. *An aqua supercælestes ?*
11. *Quæ causa thermarum ?*
12. *Quæ causa Marini Aëstus ?*

F I N I S.





## DISSERTATIO IV.

De

MIXTIS IN GENERE ET  
DE IMPERFECTIS IN  
SPECIE.

Resp.

Gregorio Horstio,

I.

**E**Xpositis Elementis, consequens est, ut exponantur *elementata* seu *mixta*, quæ dupliciter considerantur, generaliter scil. & specialiter. In genere considerantur mixtionis requisita & consequentia, quæ de re Hipp. noster L. 1. de diet. c. 5, t. 77. 78. & seqq. Specialis verò explicatio exponit *mixta* in specie, tam perfecta, quam imperfecta: de quib. passim lib. de aere, aq. & loc. atque alibi.

II. Requisita quod attinet, ipsa *Mixtio* alteratorum miscibilium unio existit, per quam corpus generatur, uti per *putredinem* interit & corrumpitur, *putrefactione* scil. propriè sic dictâ, *combustione* & *petrificatione* t. 48. Miscibilia autem materiam communem habere debent, Hipp. de nat. hom. t. 36. simul tamen debent esse contraria, invicemque per contactum agere & pati, t. 37. esse apta separari & in isto molem tribuere, ac ipsum temperamentum, text. 39. Hæc referri possunt, quæ de *Fermentatione* & *Fermento* recen-

recentiores literis consignarunt, quos inter *Helmont. Willif. Kergerus*, aliique consuli merentur.

III. Coguntur autem in ipso actu mixtionis elementa in unum locum à cœlo, idque iusta proportionem, *Hipp. cit. t. 32.* ne unum elementum cætera in Naturam suam convertat. Deinde in minimas particulas distracta mutuâ actione & passione se invicem debilitant, & secundum omnes partes immutant: *Calidum* enim agit in frigidum, humidum in siccum.

IV. Hinc *Generatio, Temperamentum & Corruptio*. *Generatio* quidem mutatio est à non esse ad esse simpliciter: Unde unius *Corruptio, Generatio* alterius, *l. 1. de diat. c. 5. sparsim, Arist. l. 1. de ortu & interitu t. 12.* Differt autem maximè ab alteratione, *Generatio* enim maxima ex parte fit ex congregatione, uti *Corruptio* per disgregationem: per generari & interire nihil aliud intelligo (inquit *Hipp.*) quam commisceri & secerni: quæ repetit *Arist. cit. lib. t. 6. & seqq.*

V. *Corruptio* verò mutatio est ad non esse. Sermo autem est de *Generatione & Corruptione*, quæ *γενεσις* sic vocantur. *Temperamentum* denique est humidi & sicci cum calido & frigido ex elementorum iusta mixtione orta proportionalis dispositio. *Temperatum* mediocritatem obtinet omnium qualitatum. Inter *intemperata* optimum est in homine, in quo aqua & ignis prævalent: *Hippocr. l. 1. de diat. t. 264.*

VI. Mixtionis autem reliqua consequentia sunt: *Color*, qualitas ex elementorum qualitate & luce conflata, quatenus lux est: hinc replentia pallidos faciunt & decolores; inanientia verò bonum colorem inducunt, *Hipp. de loc. in hom. t. 14.* Neoterici

colorem nil nisi modificationem lucis esse docent, prout præcipuè est videre apud *Boyl. in Tract. de Colorib.* Hinc omnes Colores veros esse, nullos autem tantum apparentes, statuunt. Vid. *A. le Grand. Instit. Philosoph.* part. 8. artic. 17. §. 5. ex *Cartes. Dioptric. c. 9. 4. seq.* Odor, qualitas afficiens in corpore mixto orta ex convenienti temperatura blandioris siccì cum humido; unde acida eructant; ni mio cibo repleti, *Hippocr. L. 3. de diat. t. 292.* Odorem non tam qualitatem, quàm potius Effluvia, sive Corpuscula certæ figuræ, quæ poris processuum mamillarum, respondeat, esse docet *Gassend. Tom. I. pag. 412.* Sapor verò ex humido aqueo cum sicco terreo permixto oritur, qua de re *Hippocr. de vet. Med. text. 84. 85.* Sonus autem fit ex aeris refractione inter duo corpora cum impetu concurrentia, unde nullum humidum sonum facit. *Hippocr. de carn. t. 128.*

VII. Ipsa Mixta in specie considerata Perfecta sunt aut Imperfecta: Imperfectum nil aliud est quàm exhalatio, fumus sc. & vapor, quæ quando formas quasdam accidentales atque impressiones accipiunt, dicuntur Meteora. *Hipp. de veteri Med. t. 7.* Alia autem fumosa sunt, alia vaporosa; alia *ovs aluxè*, alia *imph aluxè*, illaque rursus ignea, aquea & aerea,

VIII. Ignea quidem sunt: Cœlum ardens, trabs, ignis perpendicularis, sidus volans, pyramis, candela ardens, capræ saltantes, stipulæ ardentes, quæ omnia in *suprema aeris regione* apparent, quibus *Cometas* quidam ex *Aristotele* addunt, at falsò. Ultra Lunam enim fuerunt observati Anno 1572. 77. 96. 1600. 4. & 18. Confer doctissimas meditationes insignis Mathematici Mogunt. Dn. *P. Weibellii*, S. J. qui medium tenere tentat non infaustè. In media verò aeris regio-

*regione stella cadens est, sagitta ardens, fulmen. Fulmen triplex est: Terebrans gladium liquat, vaginâ illasâ. Urens infuscat & amburit. Discutiens verò ictu rumpit, ac ut plurimum comitem habet cuneum fulmineum, gravissimorum morborum rizotomum. In infima aeris regione sunt Draco, ignis fatuus, domus ardens, ignis lambens animalium.*

IX. Illustrissimam Dominam *Cassandram Buri*, Veronensem, nobili sigillo *ignis lambentis* Naturam signasse scribit peculiari tractatu *Ezechiel à Castro* 27. Mart. 1642. Verone edito p. 14. ut quoties leviter lintheo corpus tetigerit, ignis scintillæ ex artubus profiliant, cunctis conspicuæ domesticis, non secus ac si ex silice excuterentur etiam cum stridore. In causam verò dictus *Author* anxie & doctè satis inquit, ut laudem omninò mereatur ejus diligentia. Hac vice bina lambentis ignis exempla profero, de causa in ipso conflictu acturus. Uxor Pastoris cujusdam in vicinia indignabunda aliquando marito extrema ante sexennium cum minaretur, flamma lambente in capite circumtecta fuit. Godofredus autem noster *Antonius JCrus* p. m. *Academix olim Pro-Cancellarius*, quoties post infestissimū arthritidis paroxysmum somno indulsit, è cruribus emisit lambentes flammulas.

X. *Aqueæ meteora à Sole elevata, Hippocr. de aere, t. 88, ad supremam aeris regionem non pertingunt. In media nubes apparet, unde pluvia, t. 90. & seqq. & nivis flocci tempore hyberno, stellas consanguineitatis quasi lege referentes. Est autem nubes aqua hærens in aere. Hipp. de nat. pueri. t. 172. In infima verò nebula, granulæ, lapilli, ros, pruina, manna, mel, glaciès. Fontes quidem & flumina quidam huc quoque referunt. Ast illorum origo, me judice, mare est. Magis*



enim amo sacrum codicem, quam Philosophorum commenta, quæ illi hoc in passu repugnant,

XI. — *Acrea Ventus sunt, & Terræ Motus.* Ventus ipsius aeris quasi fluxus est & inundatio, Hipp. de flat. t. 10. In Microcosmo ventis respondent flatus. t. 47. Venti verò alii regulares sunt, alii irregulares. Illi sunt Eurus, Ostwind ab ortu spir. Hipp. l. 2. de diata. t. 32. Zephyrus, Westwind ab occasu. Boreas, Nordwind à septentrione, Hippocr. t. 26. 27. Austro, Sudwind à meridie, t. 28. 29. 30. 31. è quibus resultant plurimi collaterales. Irregulares ecnephias, turbo, prester. Ecnephias cum impetu deorsum fertur, turbo in gyrum convertitur & sursum tollit, prester verò insuper accendit. Terræ autem Motus ipse quidem meteorum non est, sed causa ejus potius huc referenda; impulsus scilicet spirituum & flatuum, cavernis terræ inclusorum, propter obstructos meatus erumpentium. Fitque alius terræ motus pulsu, alius tremore; qualem hic experti sumus Anno 1643. 3. Jan. subsequente illa magna inundatione. His ipsis autem enumeratis meteoris addenda *εμφαλικά*, ubi primò se offerunt chasmata, nubium varii colores, halo, virga, parhelius, paraselene, iris, & ipsa via lactea, si Aristoteli fides habenda. At hic non habenda. Est enim reverà circulus ille lacteus in ipso cælo, non in aere. Miram Iridis Naturam, præ reliquis, ingeniosè indagavit Cartes. Meteoror. c. 8. §. 3. ostenditque non in vaporibus, neque in nubibus, sed tantum in aquæ guttis fieri; & quidem interiorem atque primariam oriri ex radiis, qui ad oculum, post duas refractiones, & unam reflexionem, veniunt: exteriorem autem sive secundariam ex radiis post duas refractiones, & duas reflexiones, ad oculum pervenientibus, originem ducere. Confer quoque Tr. Phys. part. 3. c. 17.

XII. Quemadmodum verò in *Macrocosmo* di-  
 sta meteora generantur, ita talia quoque *Microcosmo*  
 accidunt. Sic quoad ignea, in aeris regione Micro-  
 cosmica instar fulminis oriuntur epilepsia, apoplexia,  
 paralytis, quas plerunque comitatur aut subsequitur  
 pluvia, catarrhus, & antecedit fulgur, dum illis splen-  
 dor instar fulguris ob oculos versatur. Ita trabes,  
 dracones volantes, repræsentant febres ardentes,  
 phrenitides, capitis intensissimos dolores & ardores,  
 Quoad aquea, catarrhi sunt pluviae, spuma v. g. epile-  
 pticorum & saliva nivem repræsentat, vapores nebu-  
 las, gypsea pituita grandinem. Capillos, pruina, so-  
 mnus rosis beneficentiam. Venti verò orientales in  
 homine procedunt ab humore bilioso: meridiona-  
 les à pituita salsa & bile permixta: occidentales ab  
 humore aqueo pituitoso: septentrionales à denso &  
 melancholico. Ecnephias verò respondet catarrho  
 suffocativo: turbo vertigini: prester epilepsiae cum  
 febrili malignitate conjunctæ. Ita horrore & palpi-  
 tatione *Microcosmus* laborat, ut *Macrocosmus* Tertæ mo-  
 tu. Annon etiam Iris oculis nostris contingit, variiq;  
 colores, & chasmata?

## QVÆSTIONES.

4. An simile agat in simile?
2. An corruptio naturalis?
3. An unius generatio alterius corruptio?
4. An Agens & Patiens se tangere debeant?
5. An Elementa maneat in mixto?
6. An mores sequantur temperiem corporis?

- 28 J. D. Horst. Comp. Phys. Hippocr. Diss. IV.
7. *An Cometa sint meteora?*
  8. *An pluvia cruenta possit esse naturalis?*
  9. *An Manna, cujus mentio fit Exod. 16. fuerit naturalis?*
  10. *Unde Iris in vitro triangulari?*
  11. *An per 40. annos ante Mundi interitum non apparitura sit Iris?*
  12. *An illuvies aquarum, quae Anno 1643. contigit, principium traxerit à maris agitatione ad novas orbis insulae Christophori paulò ante facta?*

F I N I S.



DISSERTATIO V.

De

MIXTIS PERFECTIS  
INANIMATIS.

Resb.

Joh. Joachimo Vietore, Wormat.

I.

**C**onsideratis Mixtis Imperfectis, sequuntur Perfecta, quæ solida & constante Elementorum concretionem constant. Sunt autem alia animata, alia inanimata: quæ vulgò dicuntur *Fossilia*, aut *Mineralia* ab Hebræo *Min* & *Arets*, atque communiter dividuntur in *Metalla*, *Lapides*, *Glebas* & *Concretos Succos*.

II. Quod Metalla attinet, septem sunt. *Aurum* Soli & Cordi: *Argentum* Lunæ & Hepati respondet: Hinc spiritus naturales & vitales utriusque Mundi *Cuprum* Veneri, & Cerebro: *Ferrum* Marti & Ventriculo: *Stannum* Jovi & Pulmoni: *Plumbum* Saturno & Lien: *Argentum vivum* Mercurio, & Testibus. Generantur autem ipsa Metalla à Cælo ex terreo potissimum, unctuofo, ac spiritibus vitriolicis imprægnato succo, vi plastici metallaris Principii, in terræ gremio quasi calcinato, soluto, variisque digestionibus ita depurato, ut in solidum metallare corpus vi ignis densentur.

III. Quod

III. Quod Aurum attinet, id metallorum perfectissimum est, molliissimum & rarissimum, quod Hippocrates forsitan voluit, l. i. de diæt. t. 269. In Auro enim elementorum adæquata mixtura est, unde ex Auro Lapis Philos. fieri potest, elementa enim in lapide in æqualitate virtutibus conjuncta esse debent. Sendivog. de Sulph. p. 34. Ab igne autem Auro genuino nil de cedit. Secus accidit adulterino, Hipp. de dect. t. ornat. t. 5. quod ex amen cineritii & cæmenti tolerate non potest. Non autem solum potabile, sed & parari ex alio metallo arte chymica potest. Nequaquam repugnare, scribit Robault. Tr. Physic. part. 3. c. 6. §. 10. Quin, additione factâ ad partes ignobilis metalli, quarundam aliarum particularum materiz, quæ illas similes efficiat partibus metalli pretiosi, consequi liceat ejusmodi transmutationem, quam tot Chymistæ prosequuntur votis, quorundamque istiusmodi Artificum industriâ contigisse asserunt. Sed cum speciatim lateat, quæ sit figura & magnitudo particularum, quæ metallorum compositionem constituunt, ut & cæterorum ingredientium utilium, ad consequendam ejusmodi transmutationem, nec adhuc arcanum pateat, cujus ope simul coherere possint, credendum putat, si modò verum sit, quosdam Chymistas plumbum in Aurum transmutasse, id casu & fortuito obtigisse, non secus, ac si post casum manipuli arenæ supra mensam, ejus grana eo modo disponentur, ut posset distinctè legi pagina Æneidos Virgilianæ. Igitur talem transmutationem moraliter impossibilem esse censet. Ejusdem quoque prorsus sententiæ est A. le Grand. d. l. part. 6. artic. 8. §. 8. Sed Gassend, sect. 3. Phys. l. 3. c. 6. rem hanc, licet sit admodum difficilis, non tamen impossibilem propterea esse judicandam

dam, putat : neque decere, ait, ( utut non pervideamus modum, quo aliquid parari valeat, ) modulo nostro cum Naturæ potentiam, tum aliorum sagacitatem, pertinaxque studium emetiri : remque hanc tanto minus impossibilem visum iri, addit, quanto potest ægrè derogari fides omnibus historiis, quæ de Auro à variis Artificibus confecto, narrantur. Reperitur aliàs ipsum nativum purum gedigen Gold l. in aquis, Hipp. de aere. aq. & loc. t. 70. Tago flumine, v. g. & nostra Edera, quæ purissima Auri grana dat, si arena lavetur. II. In montibus, fodinis & puteis, uti vicinæ arcis Eisenbergensis monti, fodinis, mineris & saxis grana atque frustula Auri adhærent. III. In capitibus Truttarum der Förellen.

IV. Quoddam verò Aurum coquitur & separatur ab Argento, ( tale nostrum est Gladebacense, es gûldet/ ) pyrite, chrysocolle, & aliis lapidibus, succis & glebis mineralibus. In pulverem autem prius, si animus sit probare Auri præsentiam & quantitatem, massa quæ Aurum continet, redigitur, pulvis cum Tartaro & Nitro coquitur in tigillo clauso, quæ coctura in fundo Regem sistit, metallum, den König. Hoc ut purum fiat, in cineritio igne urgetur, donec plumbo evanescente, fiat coruscatio, der Blicf / & relinquatur Aurum purissimum, das Korn. Forti autem igne debet & potest probari, non tamen fundi : fundi amat igne molli, πρὸς μαλακίῃ, Hippoc. t. de diet. text. 201.

V. Argentum verò non tam perfectum est, ut Aurum, perfectius tamen reliquis metallis. Invenitur etiam in quibusdam aquis, Hippocr. de aere, aq. & loc. t. 29. è fodinis verò quandoque ejus grandes eruntur massæ. Albertus Saxo è Snebergensi tantam acce-

accepit, ut loco mensæ ea usus fuerit. *Cuprum*, sive æs, rubrum est metallum: eruitur in vicinia Clebergæ, Francobergæ, Tvvistæ & alibi. Auri & Argenti faciem faciliè assumit. *Ferrum* metallum est durius, magnæ affinitatis cum cupro, in quod Vitrioli ope faciliè mutatur.

VI. *Stannum* verò molle est, estque plumbum candidum, quod nigrum pollutione vertitur. *Plumbum* liquidius est stannum, Auri & Argenti purgatorium. Sol und Luna, inquit Parac. sub nomine Saturni, säubern sich durch mein Wasser / ic. *Mercurius vivus* est metallum perpetuè mobile, cui omnia metalla præter Aurum innatant. Ignem naturaliter non fert, coagulari tamen & fixum reddi potest labore chymico, uti alias quoque ab apibus id fit. Gleba, cui infixus est, instar minii effoditur in vicinia circa arcem *Blanckenstein*. Phiala repletur ista minera a collum usque, collum clauditur musco arboreo. Hæc phiola jungitur phiolæ vacuæ terræ immixtæ, ac igni postea superstruitur, ut destillet vivum Argentum. 8. partes Mercurii, & 2. partes Argenti debito modo uniantur, variæ oriuntur exinde figuræ montium & arborum. Amalgama ex Auro, Luna & Mercurio dat pulchiores. Sed hæc in laboratorio chymico viderimus penitus.

VII. Altera classis fossilium continet *Lapides*, qui inter terræ cavernis generantur ex halitu sicco cum humido quodammodo permixto, ex limo, ut Hippoc. verbis loquar, de aere, aq. & loc. vi virtutis mineralis concurrente calore & frigore, non aliter, ut ab infuso vi lapidescente vesicæ, concurrente ardentia alvi, frigore ventriculi ex lacte terreo pituitoso, adjuvantibus amplis venis *calculus* in pueris generatur. Hippoc.

l. 4. de morb. pag. edit. Corn. Vener. 227. Bernhard. Paffin, Gallus, in lib. de Natur. Font. Metallor. Gemmar. gallicè editis, ex aquâ omnes lapides, etiam durissimos deducit, aquas tamen duas, unam scil. materialem, alteram verò congelantem statuit. Robert. à Boyle lib. de Gemm. harum primam originem etiam putat substantiam fuisse liquidam, quæ si tincturis quibusdam mineralibus, dum fluidæ, vel molles sunt, imbuuntur, colores pro ratione mineralis obviæ acquirant. Conf. quoque hujus Autoris Tentamin. Physiologic. & Tr. de Fluidit. & Firmitat. item Athanas. Kircher. in Mund. subterr. Tom. 2. sect. 3. l. 8.

VIII. Sunt verò Macrocosmi lapides pretiosi alii, alii vulgares, v. g. Smitis, cos, pumex, gilex, &c. pretiosi sunt Adamas, colore ferro candenti similis, Indicus alius, alius Arabicus, Conchios, Macedonicus, Cyprius, Siderites. Jaspis viridis gemma. Smaragdus Jaspide inferior 12. species habet. Saphirus cœruleus est. Carbunculus flammæ coloris est, Carchedonius subpurpurei, Amethystus purpurei instar violæ, Hyacinthus dilutioris, Topazius aurei, Turcois viridis & cœrulei, Sardonyx verò varius. Chrysoprasus in nocte igneus, in die aureus apparet, Sardius rubeus subobscurè pellucet. Chrysolitus marinæ aquæ vitorem præ se fert, Rubinus instar scintillæ rubræ micat, Beryllus viridis lucet, Achates crocei coloris est, Carneolus minii, Galactites cineritii, Hamatites rubri, Magnes, varius & incerti. Etites prægnans est lapillo, Asterites verò non adeo aqueum refert Crystallum. Margaritæ autem maritimæ & fluviatiles, Bezoar, item animalium, pretiosis superius enumeratis lapidibus Macrocosmicis respondent in Animalibus. Helmontius lapidum differentiam facit triplicem: Animalem, Vegetabilem &



*Mineralem.* *Animalis* est *Duelech*, seu calculus humanus, *Lapis* 69. *Limacum*, *Bezoar*, &c. *Vegetabilis* est capsula nuclei persicorum, mespilorum &c. *Mineralis* verò est saxum, silices, *Adamas*. Vid. lib. *Tartarus* non in *Potu* inscript. num. 3. 4.

IX. Succedunt *Glebae*, seu terræ pinguedine aut colore certo aliquo infectæ, & macerari aptæ. Terra enim est quæ humido macerata lutum fit. Omnis enim terra crassa & humida. *Hipp. de carn.* Variæ sunt, *Argilla*, *Marga*, *Creta*, *Rubrica*, *Pigmenta*, (ut, *Cinnabaris*, *Mithium*, *Ochra*, *Lazurium*, *Ærugo*,) Terra *Fullonum*, Terræque Medicinales; quas sigillatæ vulgò dicuntur: *Lemnias*, *Armenias*, *Samiæ*, *Silesiacæ*, & nostra tam solatis quam lunatis *Hassiaca* sigillata; Peculiari quoque vi putredini resistit *Husana* nostra argilla, *Hausser. Erde* ex qua parantur nostra vasa fictilia, quæ conservant vinum integrum. Huc quoque referri potest *Calx*, quæ affusâ aquâ æstuat ac incalcescit. Agricolis maximè terrâ probatur dulcis aut insipida, pinguis atque mediocris raritatis. Terra in arboribus est, ut in animantibus venter, *Hipp. de hum.* Terrarum interiora hyeme calida sunt, æstate frigida, *de nat. pueri*.

X. Tandem quoque considerandi *Concreti Succis Minerales*, qui sunt instar cremoris subterraneorum variè destillatorum liquorum: Sunt verò alii pingues alii *macri*. Pingues facillè accenduntur, ut sunt *Sulphur* & *Bitumen*. *Sulphur* velocissimè accenditur. *Bitumen* varias habet species. *Naphtha* si quid illinas & accendas, in aqua extinguere non poteris, *Succinum* paleas trahit. *Ambra* usta olèo extinguitur, aquâ accenditur. *Camphora* quoque ignem si semel concipiat, ardet, donec consumatur.

XI. Macri succi sunt *Sal commune*, *Armoniacum*, *Gemmæ*, *Petræ*. Commune omne à Mari, ut rectè *Sendivogius* infert. Das *Salz*/ ait *Basil. Val. clar.* 4. ist ein Erhalterin aller Ding/ie. Indem *Salz*/ait *lib. de Microc.* stecket ein universal Geist/ie. *Armoniacum* multum facit in solvendis metallis; ist nicht der geringst Schlüssel aufzuschliessen die metalla, *Basil. Val.* Eisdem ferè vires cum *Armoniaco sal gemmæ* habet; acetosum *Paracelsi cap. 2. l. de trib. princ.* Nitrum seu sal petræ pulverem pyrium constituit, & per se purificat & solvit durissima corpora. Purgatur ipsum sulphure. *Alumen* sudor tertæ falsus est; *Vitriolum* variatum est coloris ratione; acotis alias virosi & styptici. In vicinia eruitur, quod ratione coloris Cyprio simile sit, totum *Saphyrinum*. *Antimonium*, minerale durum est & terrestre; fufum *vitruvi* dat.

XII. Minerales verò Aquas *Henricus Rochas* in sua *Anatomia spagyricâ des eaux minerales*, putat fieri à sale *Hermetico*, & *Terra*, quam præterlabuntur, *Virginea*. At sal id non inest omnibus aquis; alias ubique essent acidæ aquæ, ubi ad est terra virginea, quod absurdum. In generatione aquarum mineralium ad sunt manifesti ignes & calores atque tincturæ subterraneæ. Terrâ autem virgineâ non continet id, quod continent minerales aquæ. *Terra virginea* quasi primum Ens est mineralium; uti *Februarii* tempore, succus arborum; secundum *Paracelsum*, neque inter eam & mineratam sulphuream ullum dissidium peculiare; thetmarum quidem causa *Rochasiana*; Minerales autem aquæ fiunt per tincturam & ardentiam; mediante scik contactu corporali & spiritali.

## COROLLARIA.

1. *An Metalla generentur ex Sulphure & Mercurio?*
2. *An ex omnibus Metallis possit erui Mercurius vivus?*
3. *An aurum potabile reddi possit?*
4. *An propria forma Metallorum?*
5. *An frigus concurrat ad Lapidum generationem?*
6. *An Crystallus glacies fuerit?*
7. *An ferrum moveatur ad Magnetem tanquam ad matricem suam?*
8. *An Margaritæ nostrarum concharum, sint tam pretiosa ac bonæ, ut Orientales?*
9. *An calor calcis vivæ exstincta ab externo igne excitetur?*
10. *An Terra pluvias producat, ut vult Agricola?*
11. *An eâdem ratione succinum trahat paleas quâ ferum Magnes?*
12. *An Formicæ, muscæ, culices & alia insecta, que in succino apparent, fortuitis casibus liquido adhuc insinuantur, aut peculiari naturæ opificio fiant, à vi nemp̃ imaginatrice Macrocosmi?*

F I N I S.





## DISSERTATIO VI.

## DE

MIXTIS ANIMATIS, ET IN  
SPECIE DE PLANTIS.*Resp.*

Georgio Stifelio Smalcald.

## I.

**A**ctum est de Mixtis Inanimatis, sequuntur animata. Animata autem ex anima & corpore varia organorum structura prædita, conflata sunt. Unionem enim animæ sequitur Vita, hinc vivunt.

Anima autem vegetativa prædita, Plantæ dicuntur, sensitiva, Animalia; rationali, Homines. De Plantis primò agemus, quarum omnimodam, solidam & perfectissimam cognitionem habuit Salomon, cui magistra fuit sapientia. Is à Cedro ad Hyssopum, à maxima ad minimam differuit, ejus tamen Botanicos libros è medio sublato esse Eusebius refert; Ut Judæi (& in specie Wertheimer Francofurtanus,) non Salomonis remediis hodie curent, sed impiâ illâ Cabalâ, cujus mentio fit Sanhedrim fol. 102. quamque ab ipsis Judæis olim damnatam ex orco primus revocavit ac propugnavit Anno Christi 1194. R. Moses Bar Nachamon Medicafter. Vid. Schalscheles fol. 55. Sunt tamen, qui incantationibus illis delectantur. O impii homunciones! Nunquid resina non est in Galaad? aut Medicus non est ibi? Jerem. 8.

II. Ipsa itaque Planta, *φύτερ*, à nascendo dicta, corpus perfectè mixtum est organicum animâ solâ vegetativâ præditum. Ex pluribus enim, etiam dissimilaribus tantum, ut inanimata mixta, v. g. aurum, cujus omnes partes similes sunt. Habet insuper Planta vim crescendi & vegetandi, ideoque non tantum formam mixtionis, sed etiam aliam, animam nempe superadditam habet vegetativam, eamque solam; cum nec sentiat, nec ratio cinetur. *Sentire* quidem *Plantas*, multis evincere rationibus conatur *Guy de la Brosse*, Gallus, *Tr. de Natur. & Virib. Plantar. lib. 1. cap. 8.* ubi simul, quæ in contrarium affecti possent, argumenta resolvit; neque *sensum* solummodo, sed & *motum*, variasque ad lætitiâ vel tristitiâ propensiones Plantis attribuere contendit. *Gassendus v. d. sect. 1. 4. c. 1.* Epicuri sententiam defensor, *Plantas* esse *inanimas* multis rationibus ostendit; tandem autem addit, hæc non nisi exercitationis & animi gratia ab ipso esse dicta, ac solum, ut ostenderet, non fecisse prorsus abs re Epicurum, quando *Plantas* esse *inanimas* censuit. E veteribus autem Ethnicis ante Aristotelem *καὶ ζώον καὶ καρπὸν ζῴον* olim cecinit Linus.

III. Respectu autem vegetationis Ortus Plantarum considerari debet, earumque Auctio & Nutritio. Quoad Ortum, quædam Plantæ per semen generantur immediatè, quædam per traducem, raram v. g. oculum &c. propagantur. Hipp. de Nat. Pueri à textu 137. ad t. 202. Generatio fit mediante semine, manifesto quidem & occulto. Ex manifesto Plantæ generantur, quando semen earum terræ mandatum ob humorem à terra communicatum beneficio caloris emollescit, atque in germen mutatur, quod

quod partim sursum, partim deorsum fertur. Quandoque verò manifestum semen non adest, sed occultum in ipsa terra, Genesios 1. 11, latens se exserit. Unde videmus terram ipsam per se sponte, (loquor verbis Hippocr. de aëre, aq. & loc. t. 123.) Plantas sæpè producere, cuius terræ nullum semen commissum fuit. Imò durissimi lapides sæpè producant Plantas. H. Regius l. 4. Philosoph. Natural. c. 4. sine semine nasci stirpes, scribit, cum particulæ insensibiles terrestres in terræ superficie, vel crustâ ejus superiore, perpetuo à subtili materiâ agitatur, tales acquirunt situs, figuras, & motus, quæ rudimentis stirpium conveniunt; ex quo reliquæ deinde partes producuntur, dum succus alimentarius, in illud impulsus, partes ipsas extendit, & certo modo figurat. Cum autem infinitis penè modis pro terræ & motus seu caloris diversitate, possit fieri particularum istarum compositio & conformatio, hinc plurimas herbarum species in diversis terræ locis sponte nasci, opinatur. Sed *Ale Grand l. c. art. 9. §. 3 p. 699.* Plantas, quæ sponte generari dicuntur, ex seminibus procedere, statuit; hæc enim (semina Plantarum puta,) esse aut insensibiles illas particulas, quæ per materiæ subtilis agitationem, cum situm, figuram & motum acquirant; quæ ad primum stirpis rudimentum efformandum necessaria existunt. Ita in mare Balthico propè Varni Ostium Quercus Marina crescit ex durissimis lapidibus, iisque tam firmiter hæret, ut illam separare non potuerim. Quod Propagationem attinet, videmus ramum ab arbore avulsum, caudicem Olivæ v. g. cui amputata radix, aut summitates pulegii v. g. à radice avulsas terræ commissas totam plantam & arborem fieri. Ita quoque ex ramulorum & oculorum insitione alia atque alia

arbor oritur & frutex ; si v. g. oculus Rosmarini infusus sit Junipero , is germinando tenues radices primò in truncum mittit ; post in terram , ut ex ea sugat nutrimentum familiare , quo attracto , truncus desinat esse Juniperus , & fiat Rosmarinus.

IV. In Plantarum resurrectione mira observantur. In cineribus formam Plantarum servari putat Quercetanus, Hieremias Cornarius, de Formenteres, de Luynes, Beguinus, Vigenarius, & alii. Guido Procentis Lutetiae Parisiorum brumæ diebus me diis triù horarum spatio offert leminatas & productas Plantas ad mediocrem magnitudinem, instructum èto, quod ipse solettißimè in locum caloris solaris tunc temporis & loci frigidè satis & impigrè operantis substituerenovit. Terræ verò non committit Planta semen immediate, sed aquam ejus salem & spiritum. Ita si rubicundam absynthii essentiam per cineres destilles, in alembico videbis ideam absynthii : uti destillatio cornu Cervi cornua repræsentat , & congelata aqua destillata Spermatidis Ranarum olim ranas videndas mihi præbuit, atque uti in maceratione cineris Cancrorum Lutetiae cancos vidit D. Certain, teste Clarissimo D. Schrödero , Amico & in Aula Darmstadii Collega meo honorando ; & R. Fludd. skeleton humanum in ossium humanorum destillatione. Hinc immortales quidam, (immortalitatem tamen Cosmicam tantum intelligunt,) Plantarum animas dixerunt, ex Jobi. 14. 7. & seq. Dan. 4. 12. Hinc animam Plantarum esse totam in toto, & totam in qualibet parte putarunt. Hinc earum seminale Principium esse in earum minimis partibus , in succis, in putredine, in cinere, in pulvere, in atomis, pronuntiant. Ast immerito ! Combusta Plantâ, perit forma,

Repullulationes verò arguunt saltem præsentiam virtutis cujusdam seminalis & accidentalis quidem, non ipsius formæ. Tota verò in toto est unitate quadam multiplicabili, tota autem in qualibet parte, non eâ unitate, quâ in toto, sed diversis unitatibus à prima propagatis totalibus tamen & completis. Denique species Plantarum de mundi duratione esse immortales non negamus. Non tamen individua. Diætam herbarum *καλὴν σπέρματι* in dubium quoque vocat *Helmont. in Pharmacopol. & Dispensator. Modern. n. 13. seq.* arguitque *Quercetanium*, inscitæ principiorum, quod bonus ille vir, (nesciens, omnem glaciem incipientem dentatas cuspides ac figuram folii uticæ facere,) in cineribus ens seminale figurativum herbarum, ignibus invictum, permanere statuerit; cum tamen seminum potestas figuratiya delitescat in Archeo, herbarum rerumque generabilium Vulcano, qui cum oculis carneis non subsit, à Deo solo impetrandum esse ait, ut oculos animæ aperire dignetur, qui *Adamo*, quique *Salomoni* rerum proprietates primo intuitu demonstravit.

V. De ortu Plantarum prolixiores fuimus, sequitur Plantarum Auctio & Nutritio. Nutritio vis est, qua Planta sibi succum aprum terreum imbibens in suam transmutat substantiam. Terra autem habet in se humorem, ut nascentia nutrire possit. Hipp. de nat. puer. f. 137. Pluvix tamen ipsi terræ suppetias ferunt, uti docet Dei Amanuensis Gen. 2. v. 5. Succum verò ut attrahere possint Plantæ, natura eas fecit fistulosas, medullosas & porosas. Quemadmodum verò homo duplici alimento reficitur, cibo calido & potu frigido. f. 129. Ita & Planta hyberno &



æstivotempore t. 190. Æstate enim inferna pars terræ frigida, hyeme calida t. 187.

VI. Augmentatione crescit Planta in supernam t. 291. & infernam partem. Ad terminum auctoris si venerit, augeri cessat, t. 195. Pro terræ autem, t. 136. ratione majores & minores sunt Plantæ. In Rugia omnia vegetabilia majora reperi, quam in vicina Pomerania. Imò etiam ipsa animalia. Anseres Rugiani instar Cygnorum sunt in relatione ad Pomeranos.

VII. Non igitur augetur Planta per totum vitæ curriculum, uti quidem nutritio non cessat. Ubi verò vitæ principium sit in Plantis, quæritur? Cor non habent ut animalia, habent aliquid cordi analogum, quod per totum corpus, radicem maximè in perfectis, diffusum est, mediante humore tenaci, lento & viscoso. Hinc resectas partes Plantæ videmus non mori statim, uti etiam ranæ, exempto corde, & discissa anguilla vivunt aliquandiu. Hæc quidem, ob vitale principium cordi analogum diffusum, illæ verò ob humorem tenacem spiritu vitali imprægnatum.

VIII. Partes autem Plantarum vel similes sunt vel dissimiles: similes communes omnibus dissimilibus partibus insunt, v. g. caro, nervus, vena, cutis, humor. Propriæ os sunt & cartilago. Dissimiles communes cunctis stirpibus communes sunt, non tamen omnes omnibus, suntque radix, caulis, ramus, folia, flos, semen: in quibus notandæ particulæ variæ externæ & internæ, propriæ, communes. Dissimiles propriæ sunt, v. g. lanugo, pili, nodi, &c. Pro harum autem partium discrimine quatuor genera stirpium oriuntur, Arbor, Frutex, Suffrutex, Herba.

Qua de re eleganter scripsit Joannes Ruellius, Canonicus & Medicus Parisiensis, & ex hoc A. Spigelius Prof. Patavin.

IX. Uſus verò ſtirpium eſt, ut ſint alimenta & medicamenta. Virtutes illæ dependent ab earum ſubſtantia, atque qualitate manifeſta & occulta. Alia enim medicamenta & alimenta liquida ſunt alia ſolida, Alia calida, frigida, humida, ſicca, Alia mollia, dura, rara, denſa, aſpera, levia, craſſa, tenuia, denſa, laxa. Alia ſunt plus moventia, urinam cientia, menſes provocantia &c. Alia occulta qualitate alterant; ut venena; purgant per ſe alia, alia per accidens, & ex toto quidem corpore, aut peculiari parte; humores, aut aliud aliquid præternaturale.

X. Eruuntur autem & cognoscuntur illæ virtutes ratione & experientia, qua occultæ, inquiruntur. Ratio deſumitur à ſaporibus; odoribus & figura. Figura varia eſt, pro ejus diverſitate, quædam Plantæ capiti ſunt ſimilia, alia capillis, fallit tamen ſæpè ſignatura; cum nec à naturali elementorum mixtione, nec à ſecretiori naturæ decreto, Forma, qua v. g. capitata capiti conferri dicuntur, oriatur.

XI. Sunt præterea in Plantis magna admiranda: Noctu ſplendent Bubonicum, Baaraz arbor Zeilanæ, quam incolæ putant eſſe Boni & Mali, Nyctegretum; Flos Grana Dillæ inſtrumenta monſtrat Paſſionis Dominicæ. In inſulis aquilonatibus ſub Polo Fagi mutantur in Magnetes; Antirrhinum Scorpiones terre non poſſunt: Arundini inimica Filix; quibus multa alia addenda.

XII. Post Plantas Zoophyta communiter exponuntur. Sed Zoophyta ipsa aut Plantæ sunt, v.g. Herba Mimosa & agnus scythicus; aut animalia, v.g. Bernacæ à Scotis Klekgues dictæ, de quibus pulchre Bartas septim. 1. d. 6. & 1. d. f. 2. & alii. Zoophyta ergò spectant quædam ad Plantas, quædam ad animalia.

---

## COROLLARIA.

1. *An Planta animal inversum?*
2. *An in Plantis sexus?*
3. *An Mimosa & Eschinomen sentiant?*
4. *An in Plantis certa pars anima sedes?*
5. *An quædam Planta naturaliter fugent incantationes?*
6. *Quid Mandragora, Colocynthis, Cucurbita, Arbor vite, Arbor scientiæ boni & mali in sacris?*
7. *An Christianus salva conscientia possit Antirrhinum sub certa cæli figura collectum, collo suspensum, pro amuleto gerere ad fugandas incantationes & conciliandos Principum animos, ut fecit Medicus H. A. M?*  
Neg.
8. *An Amuleta certis figuris exornata licita sint?*  
Neg.

F I N I S.



DISSERTATIO VII.

De

ANIMALIBUS IN GENERE,  
ET PERFECTIS REPTI-  
LIBUS AC GRESSILIBUS  
IN SPECIE.

Reſp.

Daniele Ludovico Mettenio.

I.

**V**egetabilibus expositis, consideranda *Animalia*.  
Est autem *Animal* corpus vivens organicum,  
anima sensitiva præditum; estque omne ani-  
mal, tam perfectum quam imperfectum, secundum  
motus differentiam, aut *Reptile*; aut *Gressile*, aut *Nata-  
tile*, aut *Volatile*; quorum accuratam historiam recen-  
suere vetustus Poeta *Linus*, atque *Aristoteles*, cui multa  
millia hominum eam suppeditarunt, ut *Plinii* verbis  
loquar. *Hippocrates* sparsim mentionem facit genera-  
tionis, *materia*, *forma*, & *accidentium*, uti jam jam pate-  
bit. *Salomon* verò eò sapientiæ devector à multis cre-  
ditur, ut & eorum intellexerit voces!

II. Quod vero *Generationem* attinet *Animalium*,  
ortum omnium *Animalium* *Hippocrates* noster dedu-  
cit ex calidi actione in humidum, *libr. de princip. passim*,  
& *1. de diata. t. 48.* quæ ipsa actio in generatione tam  
*univoca*, quam *equivoca* locum habet. Et autem *Uni-  
voca* dicitur, quando per generationem gignens &c  
geni-

genitum conveniunt specie: si homo hominem, si Leo Leonem generet. In *Æquivoca* generatione contragignens & genitum non sunt ejusdem speciei; quando ex aqua putri culices fiunt, ex luto vermes, ex Leone apes. Sunt interim non pauci; qui Generationem *Æquivocam* minimè concedunt. Sic *Gassendus d. sect. 3. l. 4. c. 1.* tam ista, quæ *equivocè* produci atque generari dicuntur, quia illa; quæ censentur generari *univocè*, causam habere, dicit, revera univocam, h. e. internam; essentialem, & ad ipsum determinatam, usum tamen obtinuisse, ut causa illorum dicatur *univoca*, istorum verò *equivoca*, quod respici solum ad causam exteriorem, apparentemq; soleat; non ad internam & occultam: quodque proinde causa illa externa, & continens semen; ejusdem esse generis; hæc verò diversi esse observetur. Interim neque Solem profectò, neque aliam causam; quæ externa sit, conferre aliud quippiam posse; censet; quam congestionem, discussionem; appatationem seminalis materię, captumque fugere, addit, posse eandem tentare elaborationem partium illarum, quarum non potest dici continere ideam, quibusq; formandis ipsam destinatam speciatim non fuisse, manifestum est. Conf. & *Vesling. de General. l. 2. p. 24. seqq.*

III. Anima autem eadem omnibus animalibus; sensitiva nempe; similis in majore & minore. Corpus verò differt. Anima enim non alteratur; neque per naturam; neque per necessitatem, *Hipp. i. de dieta, 245.* Corporis varietatem varietas nutritionis maxime parit, unde etiam omni animalium generi eadem non conveniunt. *de Flac. l. 95.* hinc corpus nunquam idem in ullo animali, neque secundum naturam, neque ex necessitate, *1. diet. t. cit.*

IV. Ipsa generatio Univoca vel fit per ova, vel per fœtum in utero materno, per coitum patris & femellæ, utriusque semine concurrente, *1. de dieta. t. 234.* Quæ autem parcius alimentum fœtibus præbent, celerius pariunt, quæ uberius, tardius, *de Nat. Pueri. t. 223.* Per ova verò post Patris & Matris congressum genita, fœtus, concurrente externo calore excluduntur, quâ de re pulchrè differentem vidè *Hippocratem nostrum de nat. pueri text. 205. & seq.* Animalia autem, quæ mediante ovo generant, Ovipara dicuntur, quæ per fœtum verò generant, Vivipara sunt. Ad ova excludenda calor fœmellarum incubantium facit, aut alius externus cœlestis nempe, & subterraneus. Illo utuntur pisces, hoc serpentes sæpe, dum ova circa thermas vapotibus committunt. Æquivoca Generatio fit à putredine corporis simplicis, puta aquæ, terræ, aut cadaveris, v.g. Leonis, è quo Apes.

V. Quoad univocam Generationem, in omnibus bestiis sexus distinctionem esse putamus, in aliis verò magis aut minus conspicuâ Non v. semper unus mas uni fœminæ copulatur. Quandoque etiam coeunt cum animalibus diversæ speciei, v.g. canis cum lupo, vulpe, hiæna, tigre; asinus cum equa; gallus cum perdice. Sexus autem distinctio in quibusdam animalibus saltem animalis est, in Hyænâ, inquit *Septimius Florens Tertullianus*. Sic inter Lepotes multi sunt hermaphroditi, plerique verò superfœtant.

VI. Reptilia autem animalia non habent pedes, corpus tamen oblongum ex vertebri seu annulis cartilagineis compositum; quorum contractione & extensione se complicant & explicant, uti sunt *Vermes & Serpentes*. Inter serpentes famosa satis est *Vipera*,  
cujus

cujus caro Theriacam ingreditur. Est autem ipsa vipera vivipara, non ovipara: Falsum tamen est quod vulgo dicitur, Matrem viperam in eoitu pētre, sœmellam in partu. An serpentes ante lapsum reptiles fuerint & venenati, & an sint omnium animantium callidissimi: disputant Zoographi. Putamus non affirmantes nec rationi nec revelationi Divinæ obloqui. Josephus verò maximè errat, quod putet serpentes ante lapsuū intelligentes fuisse & sermocinantes. Serpentes autem populo Israhelitico recalcitranti a Deo immissi verè fuerunt ignivomi & propriè.

VII. *Gressilia* Animalia pedes habent & gradiuntur, v. g. *Lacerta, Mus, Canis*. Alia verò mansueti sunt seu domestica; alia fera & sylvestria. Domestica sunt v. g. *bos, canis, equus, asinus, oves*. Fera & sylvestria sunt *Cornuta*, ut *Cervus, Rupicapra*, alia non *Cornuta*, *Ursus, Leo, Lepus, Cuniculus, Talpa, feles sylvestris, sciuri*, & multa alia.

VIII. *Bos* animal quidem domesticum est, interim tamen sapè fetox satis, uti & vacca atque cauti. Boves in novi Orbis Hispaniolam deduci tantopere crescunt, ut Elephantibus comparentur, teste P. Matt. in *Decad. Bisonti & Bonaso* Bos affinis, teste *Cambdeni & Gesnero*. A Lanionis sanguine boum infesti præsentia trepidat, ferocit, fugit ob antipathiam, ut Canicidas fugiunt Canes. Spiritus enim cum sanguine effluens cum spiritu in corpore contento consentit. Canes circa dies Caniculares ex nimio dentium dolore quandoque rabidi fiunt. Maximè alia in cane mitanda: partus, sagacitas, morsus, fidelitas. De Equis refert Varro, Plinius, Solinus, quod vento concipiant. Falsum est & fabula. In ventriculis sapè habent lapides Bezoarticos, uti nostrâ ætate Mogun-

*Asini* in generoso equo inventus est quidam. *Asini* non tam generosi sunt, laborant interim *saais*, & in quibusdam locis sunt Cornuti. Ex *Asinis* & *Equis* nascuntur *Muli*. *Oves* vefò & victum dant nobis, & amictum. Sunt animalia omnium maximè mansuetamultisque etiam morbis obnoxia, ad quos tamen fugandos quærunt herbas medentes. In *India* quibusdam locis pisces earum caro redolet, sunt enim ibi *ichthyophagæ*. In aliis locis *Rosmarinum*, in *Gallix* nempe parte, *la Provence* dicta; in nostris *Serpillum*; in tractu *Suevico* *Albeccensi* *Allium* ob *Alliariam*.

**IX.** Fera sunt Cornuta *Cervus*, *Rupicapra* & alia. *Rupicapra* nobis *Gembs* dicitur, è qua pila eruitur magnum venenorum alexiterium, qua descriptit *Baubin* & *Velschius*. Animal est calidum maximè, salax, & in cactuminibus montium degens. De *Cervo* verò tam multa notati possunt, ut dies, ut volumen deficeret. Sanguis *Cervinus* non coagulatur, an quod vesica vel bilis ipsius hepatis desit & propterea non habeat bilem? sed & *Cervus* bilem habet, notitamen in cauda.

**X.** Non Cornuta *Ursus* sunt, & *Ursa*, quam parere vulgus putat rudem & indigestam molem, quæ lambendo denum figuretur. Fabula est. *Leones* verò animalia calidissima sunt, quorum ossa concussa ignem reddunt. Expettia sunt medullæ. *Lepores* verò timidi sunt, & melancholici succi causa, si frequenter edantur. Quæ ergò ratio, quod p̄tisci, *Martiale* teste, scripserint, esu carnis formosos fieri homines? *Affines* sunt ipsis *leporibus* *Cuniculi*.

**XI.** *Talpa* infestæ sunt maximè hortis & herbis ibi provenientibus. Terram perfodiunt atque ita radices & bulbos edunt. *Feles sylvestres*, seu *agrestes*



Scaligero volantes dicuntur, non quod alas habeant, sed quod *omnium*, uti etiam *sciuri*, in arboribus moveantur. In *sciuris* maximè mirum, quod *transfuri* aquam pastus gratiâ, corticem levissimum imponant eidem, huicque insidentes, caudâque erecta velificantes, flante vento subvehantur. Membrum virile eorum quidam dicunt osseum: falsum est. Astrologi alias satis sunt exercitati, prævident enim aëris mutationes.

XII. De Talpis *Averroes* pronunciat, quod oculis destituantur & proinde quoque visu. Ast Talpa, me iudice, & oculos habet & videt quoque, cum talpæ è fossis & minus, (unde minas mineralium scrutatores & ipsi belli duces forsân suas habent, egressæ ad illas recurrant, homine adventante. Imo dudum *Simplicius* laudabili ausu Talpis aspersam cæcitatis labem auferre est conatus, uti *ἔργον. εἰς τὸ γ. μέλ. 402.* videre est. *Helmontius* quoque Talpas cuniculos agentes, in *libr. de Terra*, memorat; quando, Talpa inquit, aggerem transfodiendo inundationem magni tractus facit, adeoque abjectum animal, terram eentro mundumque loco dimovere potest, si centrum æquilibrîi locum tenere credamus, & matris dorso terræ recenter incumbere videamus. Vid. d. l. num. 17.

## COROLLARIA.

### I.

**A**N Anima Bestiarum & Calor vitalis differant?  
 2. An ex *Levit. 17. 14.* & *Deut. 12. 12.* liceat concludere, Bestiarum animam esse sanguinem?

3. *An Animalia ex putri materia & semine orta specie differant ?*
4. *An Brutis Memoria competat ?*
5. *An Discursus ?*
6. *An in Leporibus & Muribus nullum sexus discrimen ?*
7. *An in Mulo , Leopardo , Leontomigo duplex anima ?*
8. *An Unicornu in rerum natura ?*
9. *An dentur Centauri, Satyri ?*
10. *An ulla Bestia à suæ speciei animali devoretur ?*
11. *An Physici rectè prius agant de Brutis , quam de Homine ?*
12. *An serpens Nechâz , quem ex Cipro Nechoz fecit Moses, naturali vi sanavit ictus serpentum , uti sub certo cœli climate & figura Mineralibus variæ figura à quibusdam insculpuntur , contra animalium morsus , nephriticos dolores , &c. ? Impium est hoc asserere ex Bustamintio.*



## DISSERTATIO VIII.

DE

# VOLATILIBUS.

Resp.

Joh. Daniele Molthero.

I.

**R**eptilia & Gressilia Animalia sequuntur Volatilia, quæ se per aërem, alarum vibratu, ope scilicet musculorum pectoralium, nisi nimia corporis

D 2

obstet

obstet gravitas, alarumve, aliudve vitium, agitare possunt, unde *aves & animalia aerea* communiter dicuntur, Græcis ἀέριστα, Hipp. 2. de diat. text. 162.

II. Aerea dico, non quod aere solo vescantur, aut solo in aere semper & omnes degant, sed quod aerem hauriant ad vitam, & per aerem, motu durante, non momentaneo, instat piscium *Milvi & Hirundinis*, ferri possit; aliæ enim aliæ aves *terrestres*, aliæ *aquaticæ*, aliæ *amphibiæ* existunt; omnes tamen aerem hauriunt, & per aerem volant, ( si nil obstet, uti quidem accidit *Anseribus Maris Sur*; ) alarum ope, quæ loco pedum anteriorum plerisque à Natura datæ; pleræque enim tantum bipedes sunt; paucæ *quadrupedes*, ut *Manicodactyla & Vespertilio*, in quibus ipsis tamen musculi pectorales nihilominus majores sunt, quam in Gressilibus, ut alis robur concilietur & morus; major quidem ubi majores, minor ubi minores. *Alaudam* nuper quadrupedem hic invenimus, præter naturæ forsan ordinem.

III. Quod Generationem Volatiliū attinet, omnia generantur naturaliter ex ovo, exceptis *Vespertilione & Bernacis*. *Bernacæ* autem generantur generatione non univocâ, sed æquivocâ, cum ad earum proventum non adhibeatur maris & foeminæ congressus. *Vespertilio* verò vivum parit animal ex se, idque lacte nutrit, ubera scil. admovendo, quibus pulli glabri planè & nudi, instat infantis humani, tam arctè adhaerent, ut difficulter à mortua etiam matre divellantur. Volat sæpè mater *Vespertilio* geminos amplexa infantes, tota pilosa sola inter omnia *Volatilia*.

IV. Generatio ex ovo non ita conspicua est & evidens. Ex albo ovi ali volucres, *Hippocrates* noster docet,

docet, ex luteo verò nasci, t. 2. 20. de nat. pueri. Sequitur hunc ducem, viâ tamen in verba, *Aristoteles. 3. de an. ortu. c. 1.* qui animale initium in candido esse, cibum à luteo pronunciat. Utrumque verum est, utrumque tamen meretur expositionem atque limam. Et album & luteum ovi facit ad ortum, facit ad cibum pulli. Pullus quidem sit ex semine, quod est in ovo album corpusculum, lentis instar, diversum ab albumine, diversum à luteo, quoad partes *spermaticas*. Ex luteo autem primo quoad *carnem* quasi nascitur, ex albumine instauratur & augetur, ut *Aristoteles* non incommode dixerit, in albo esse animale principium, propter instauracionem.

V. Semen autem in ovo fecundo, tertio ab incubatu die, lentis instar visitur tenuissimâ tunicâ vestitû. In medio album punctum est, atq; circulus oblongus albus alius, alius gilvus. Auctis his, ipsaque genitura majore facta, circulus accedit rubrorum punctorum, quæ ambiuntur tunica nova peculiari. Paulò post ipsa illa puncta desinunt in lineam rubram primam venam, externam tamen, hinc subtrus oriuntur ipsa vasa umbilicalia. Ab his autem antequam nutriatur pullus, vivere incipit, & ante vasorum quidem & ipsius Cordis perfectionem. Antequam enim ullus rubor in pullo appareat, duæ extant albæ bullulæ, quatum prior *Cot* album adhuc, jam movetur, jam vivit, antequam, inquam, à vasis rubescere incipiat, quod tamen mox fieri solet. Altera bulla, *hepatis* prima materia, tardius albedinem deponit, tandem tamen & ea fit lutea, ad rubedinem vergens. *Cerebrum* seu potius Caput in principio non potest videri, tandem instar albi circuli apparet, in quo punctum nigricans, oculi initium. Ita fabrica pulli auspicatur, quæ

indies postaugeat, dum ipse pullus & ab albumine, & à luteo ovi augetur & nutritur, uti dicta in ovis à Gallina incubatis, aut Solis, furni, axillarum, fimeive calore totis observare licet. Inter Recentiores, præsertim *Guilielm. Harvej Anglus*, naturam & modum *Generationis Animalium*, laudabili industriâ investigavit, pluribus hujus rei causa institutis *Exercitationibus*, quibus mediantibus in rem præsentem ductus, non dubitavit, omnia ex ovo nasci animalia, asserere, *Exerc. 63.* Ovum autem ipsi est illud, ex cujus parte animal gignitur, reliquum cibum ei, quod gignitur, est, prout ab *Aristot. l. 1. histor. animal. cap. 5.* describitur. Ex Ovo igitur omnia animalia produci, vult *Harvejus*, non quod ovum semper habeat figuram ovi vulgo sic dicti; sed quod constitutionem & naturam ejus possideat, unde ovum quandoque oviforme primordiū vocat, uti ex d. *Exerc. 63. sub fin.* videre est. Hinc porro à laudato Autore Animalia *Vivipara* ab *Oviparis* non ita discriminantur, ac si hæc fætus suos, haut æque ac illa, vivos parerent; sed potius juxta diversum Generationis modum, hæc inter se animalia differre, scribit; quod nempe in *Viviparis* uterus sive locus, in quo fætus formatur, sit intrâ animal, cujus calore foveatur ac perficitur, in *Oviparis* verò ovum, ceu uterus, extrâ animal exponatur, quod interim haut minus incubando fovet, quam si intra corpus suum amplecteretur. Quo de argumento plura *Exerc. 23. &* alibi videri possunt.

V I. Volatilia autem ad unum omnia orbata sunt vesica & liene, excepto *Vesperfiliione*, qui mingit. Reliqua non mingunt. Humor enim in plumas abit, qui per vesicam in aliis animalibus excernitur, à liene prius ventriculo subtractus. Lien ergo cum à natura

à natura ipsis datus non sit , vesica quoque deficit. Hinc parum quædam bibunt , quædam omnino *æpo*æ lunt, ut *Accipiter*: quicquid vei ò humoris superflui habent, id, ut dixi, in pennas, lucidis sæpè coloribus variegatas, exhalat, uti in piscibus id in squamas definit. Ipsa *Volatilia* longæviora sunt *Gressilibus*, licet intra annum tota augeantur, justamque accipiant magnitudinem, & minorem insuper, quam ipsa *Gressalia*.

VII. Præter differentias autem ex dictis elucētes dantur adhuc aliæ, quarum potiores sunt, quod aliæ aves majores sint, v. g. *Aquila*, *ciconia*; aliæ minores, *passer*; aliæ mediæ, *gallina*; aliæ noctu, *noctua*; aliæ interdum volantes, v. g. *columba*; aliæ fætæ, *Camprimulgus*; aliæ cicures. *Pavones*; aliæ solitariae *Cuculus*; aliæ gregales, *Turdus*, *anser*, *cygnus*; aliæ canoræ linguam habentes, *Psittacus*, *Pica*; aliæ linguâ destitutæ, *mare Brasiliicum* accolentes; aliæ esui aptæ, *perdix*; aliæ semel in anno fœtificantes *Ciconia*; aliæ pluries, *Columbe*; aliæ unius coloris, *Corvus*; aliæ diversi, *Hirundo*; aliæ rapaces, *Falcones*; aliæ carnivoræ, *Accipiter*; aliæ piscivoræ, *Ardea*; aliæ frugivoræ, *Bernichia*; aliæ vermivoræ, *Gallina*; aliæ herbivoræ, *Anseres* nostrates; aliæ cibum bonum sumentes, aliæ malum & putrem, *Anates*; de quibus omnibûs, & reliquis volatiliū speciebus omnium optimè scitip sit *Aldrovandus* naturæ indagator & studiosissimus & felicissimus.

VIII. *Aquila* omnium avium tam molis quam roboris ratione Regina salutatur. Senio confectâ Solis calore vitium oculorum curat, pennas excutit & renovatûr. Pullos exclusos ad Solis radios probat. Chymici sæpius utuntur similitudinibus, ab aquila sumptis, in paratione lapidis, quem fieri dicunt *Cym-*

*balum aureum* ex ære septem aquilis juncto, id quod *Basilius* quoque *pract. ante claves* & *el. 2.* innuit. *Ciconia* obstructam alvum solvit rostro anq. inserto, ut *Ibis* affinis, inde Clysterum usus. Ipsæ *Ciconiæ* migrant quotannis & gregatim, suntque animalia summe grata. In Angliâ non dantur, nec in hac urbe, cum hic victus iis desit. Thebas quoque nunquam accesserunt, an quod illa urbs sæpè capta fuit? Arguit *Paracelsus Helmontius*, quod *Ciconiam* assamin serpentem, & anates in raras spatio quindenæ recedere scribat, eò quod aves ejusmodi cibus vesci solitæ essent, aliasque bestias ideo in sese continere debeant: cum tamen id experientiæ facti, & Philosophiæ penitus repugnet. Vid. *Schol. Humorist. Passiv. Decept. c. 1. n. 66.* *Passeres* maximè salaces sunt, horrentque cane pejus & angue *Accipitrem*, ut olim impetitus in *Xenocratis* sinum volarit. *Tibrobanensibus* passeres in mari sunt magnetis loco, uti *Acosta* docet.

**IX.** *Gallinæ* variæ sunt, quarum quædam ova gemina excludunt. Gallum quoque ovum parere nono aut decimo quarto ætatis anno multi scribunt. Galli nimis salaces sunt, ut seipsos ineant, unde olim *lex, Plutarcho* teste, fuit, ut, si Gallus injisset Gallum, vivus combureretur. In præparatione lapidis Sol Philosophicus eget Lunâ, ut Gallus Gallinâ, *Basil. cl. 8.* *Noctua* ova ebriosos curant. Interditi non vident noctuæ, propter nimis siccam & tenuem humoris substantiam. *Columbæ* simplices dicuntur, atque amicæ sunt potissimum Pavoni. In lapidis præparatione Corvus mutatur in albam columbam per pavonis colores, *Riplens in recap. portar. Caprimulgus* vetò caprarum uperibus se applicat, lacque fugit, avis horribilis vocis, *Bellonio* teste.

X. *Pavones* munditiei student, chati olim *Alexandro Magno*, quos sub pœna capitis occidi prohibuit. *Cuculus* hyeme deplumescit & colores mutat. *Turdus* inter aves prima gloria olim, & nunc. *Agrippinæ* *turdus* insuper omnium sermopes imitari doctus erat. *Anseres* *Cygni* sunt minores, ejusdem tamen fetè figuræ externæ. Interna structura discrepat ab omnibus aliis volatilibus, tam mira est, tam intestinorum quàm arteriæ asperæ & reliquarum partium ratione. Cantum ejus in totum non negamus. *Psittacus* & *Pica* vocem humanam discunt, ac *Psittacus* quidē varii & pulchri coloris est. *Perdices*, præter id quod comedantur, dociles etiam sunt, teste *Odorico de Foro Julii*. *Corvus* niger est, album fieri quidam putant, si ovum ejus cerebro felis illitum gallinæ albæ supponatur. De *Corvo Chymico* vid. *Riplæus part. 1. & 5.* *Hermes* & *Arnoldus*. *Hirundines* per hyemem dormiunt, earum verò pulli cœci nascuntur. *Falco* & *Accipiter* dociles sunt, hinc *Arts Falconaria*, *Accipitraria* *Demetrii Constantinop.* *Aquila*, *Symmachi*, *Theodotionis*, *Thuani*, &c. *Ardea* pisces magneticè fetè allicit, si modo pedem in aqua habeat. *Anates* nostrates, minores anseribus, mures, ranas, bufones & putrida edunt.

XI. *Bernicia* verò *Scotica*, seu *Bernaca* cujus mentio facta *thes. 3.* generatur in mari, à Sole, ex resina oleosa & picea substantia ligni abietini putrescentis, ita ut primò concha oriatur, in concha demum avis contineatur, quæ per algam cœu venam umbilicalem nutrita, aucta & perfectæ tandem accretis penis volet; Arbor igitur non datur *Anatifera*.



XII. In Avibus hoc quoque notandum, quod *aquaticæ* ad littora properantes ventos nuntiant, terrestres contraplovas. *Milvi* in sublimi volantes serenitatem, *Ardea* ventos. *Corvi* per intervalla longiorerocitantes pluvias &c.

## COROLLARIA.

### I.

**A**N omne Volatile Avis?

2. An omnes Aves ex ovo oriantur?

3. An Aves ejusdem temperamenti cum Piscibus?

4. An Vespertilio Avis?

5. An Aves ex Aqua factæ?

6. An Aves Vocem humanam exprimentes nobiliores?

7. An detur Phoenix?

8. An Gallus aut Gallina plus faciat ad Generationem Pulli?

9. An & cur Gallus stato noctis tempore canat?

10. An Aves renes habeant?

11. An Hirundines bruma appropinquante volent in alias terras?

12. An ovum fecundum possit dici animal?



DISSERTATIO IX.  
DE  
NATATILIBUS.

Resp.

Gerhardo Thilenio Francof.

I.

**N**atatilia tandem inter animalia perfecta seu majora succedunt, quæ aquam pinnarum ope transmeant, atque *Pisces* nominantur; quibus tamen addenda varia monstra marina; omnia inquam animalia aquatilia, quæ sub aquis degere possunt, frigida & humida; ac maxima ex parte æphora, unde *Pisces* in genere ἰχθύες Græci dicunt. Hippoc. 2. de diet. t. 169. & seq.

II. Quomodo verò Aquatilia animalia in aqua vivant, quæritur? *Vita* autem non potest esse sine spiritu. Non itaque, ait Hipp. t. 64. de flat. natantia animalia vivere possunt, nisi spiritu participarent, si non per aquam & ex aqua spiritum attraherent. Verum neque mare ipsum t. 63. spiritus experte esse, omnibus manifestum esse puto. Hinc glacie constrictis lacubus & stagnis, nisi crusta superinducta discrum-  
patur, pisces aëris eventilatione destituti, emori-  
untur.

III. Licet itaque *pisces* propriè & strictè sic  
dicti

dicti & pulmonibus destituti sub aqua, (extra enim aquam *delphines, balena, rana* respirant, & *Delphin* quidem dormit rostro exerto à quo fluit certum respirationis argumentum,) propriè non respireat, iterum tamen sine spiritu & ventilatione esse non possunt, unde in aqua peculiari motu respirationis proportionem habente per branchias aquam spiritu turgidam admittunt, iterumque excludunt, *dilatatione* scilicet & *contractione*, *Systole* & *Diastole*. *Helmontius l. Blas. Human. inscript. n. 33.* Piscis, inquit, etiam Pulmone caret, & anhelitu: Bullæ enim, quas quandoque eructant, sunt flatus, siue ventositates digestionis, non autem anhelitus.

IV. Apparet autem ex dictis duplex genus aquatiliū esse, piscem scil. propriè ac in specie sic dictum, atque piscem *ῥυπαρὸν* latè pro omni animali aquatili sumptum. In specie autem piscis sic dictus animal bronchiatum est, pinnarum ope in aqua natans. In genere Piscis complectitur 1. *testacea*, & *ostreacea*, uti sunt murices, purpuræ & varia concharum genera. 2. *Crustacea duriora*, uti sunt cancer, locusta, gammarus. 3. *Crustacea mollia*, uti sunt polypus. 4. *Cartilaginea noctu splendentia*. 5. *Cetacea*, uti sunt variae beluæ marinæ viviparæ. 6. *Amphibia*, uti sunt ranæ, fides, cochleæ.

V. Generationem Aquatiliū quod attinet, fit ea mediante semine *paterno materno*, per vivos fœtus in quibusdam, in aliis per ova. Quædam enim aquatilia *ovipara* sunt, ipsaque ova aquis fovenda committunt; alia *vivipara* vivos fœtus formatos è suo corpore edunt, ut cete, delphinus, phoca; idque sine *precedentibus ovis*, ut Cete, &c. aut mediantibus ovis, uti pisces cartilaginei prius ovum, postea animal

ex ovo intra se gignunt. (Helmontius l. *Complexion. at-  
que Mistion. Elemental. Figment.* inscripto, num. 12.  
Pisces, inquit, innati seminis vi, aquam simplicem, in  
pinguedinem, ossa carnesque suas transmutant: non  
mitum itaque pisces materialiter nil nisi aquam trans-  
mutatam esse, & in aquam redire per artem.) Quoad  
sexus discrimen pisces ova habentes fœmellæ sunt, qui  
verò semen candidum lactescens, crassum tamen &  
compactum continent, mares sunt. Ipsi pisces sæpè  
etiam longævi sunt, teste Lucio, qui in stagno vixit  
annos 67. Captus enim annulum habebat in bran-  
chiis seq. inscriptionis: Εἰμι ἐκένθ' ἰχθὺς, ταύτη  
λίμνη πάντοτε πρὶν ὅτι τεθεὶς ἦν τῷ κοσμητῇ Φεδι-  
εῖαυ β. τὰς χεῖρας, ἐν τῇ ε. ἡμέρᾳ τῷ ὀκτώβρῳ.

VI. Partes piscium variz sunt, quædam cum  
cæteteris animalibus communes sunt, *Cerebrum*, *Cor*,  
*Hepar*, &c. Quædam propriæ omnibus vel aliqui-  
bus tantum convenientes. *Pinna* die *Federn* am  
*Fisch* primo occurrunt, quibus pisces temigant, in-  
citant & pellunt se. *Squame* die *Schuppen* non om-  
nibus piscibus conveniunt, uti nec *Spina* die *Grät* /  
quotum loco *Beluæ* marinæ ossa habent, pisces verò  
cartilaginei cartilaginem. *Branchia* quoque der  
*Kampff* / seu die *Fisch-Ohren* / vel der *Göckhel* / Del-  
phino & *Balænis* desunt! *Chela* paucis quoque ad-  
sunt, tales sunt brachia cancrorum denticulatis forei-  
pibus prædita.

VII. Pisces autem in specie considerati vel *majo-  
res* sunt, ut *Salmo*, *sturio*: vel *minores*, ut *turdi*, *remora*:  
vel *mediocres*, ut *halec*, &c. *Salmones* in variis flumi-  
nibus Germaniæ inveniuntur, in *Albi*, *Rheno*, *Odera*  
vicina & *Lano*. In ventriculo ejus, ut & intestino nil  
inquam

unquam reperitur præter paucillum arenæ, nullius cibi, graminis v.g. pisciculorum, insectorum, &c. vestigium, ut quidam credant solâ aquâ Salmones vivere & nutriri. *Sturio* grandis piscis, totoque corpore mucronatus est, tantumque valet cauda, ut ligna dissecet, hominem robustum prosternat, & ex lapidibus sæpe ignem eliciat.

VIII. *Turdi* toto ferè corpore aut ei sunt coloris, in multis locis cærulei & Amethystini. *Remora* vero naves remoratur. Ita narrat *Petrus Melara*, navem *Francisci Cardinalis Thuronensis* in medio cursu à *Remora* detentam esse. Unde *Remora* naves remoratur dubium est? Putamus in *Remora* facultatem esse quandam, quæ contraria est facultati, quâ movent *magnet*.

IX. *Haleces* extra aquam statim moriuntur, unde solâ aquâ vivere creduntur. Ventribus versus summum æquor obversis lucent in aqua, & tantum de se emittunt splendorem, ut mare fulgurare videatur. In ventre *halecis* quoque nil invenitur, si dissecetur. Natant sæpè tam magnis agminibus, ut præ multitudine capi non possint.

X. Pisces in genere consideratos quod attinet, quoad *testacea* & *ostreacea* *Majora*, *Testudo* considerari potest, cujus testa tam magna sæpe, ut milites loco adhibeant. Quoad *crustacea* duriora *Cancer*, cujus naturam summo studio inquisivit *Aristoteles*, sex tamen discrimen invenire non potuit. Notandum insuper hoc, quod *Cancer* animal ruminans sit, habet enim duplices dentes, externos, & internos. *Externis* in ore masticat, *internis* vetò in ventriculo traminat. Vino suffocatur, teste *Hipp.* de nat. mul. pag. 301. Quod verò *Canceri* nonnulli locis saxatilibus repe-

reperiantur, propterea quod alia loca petrae fermento destituantur, fieri putat *Helmont. l. de Lithias. cap. 1, num. 18.*

XI. *Crustacea* mollia molli corio seu cute teguntur, uti *Polypus*. *Cartilaginea* vero noctu splendent, uti est piscis, qui *Luppio* interprete sic de se fatur:

*Est Lucerna mihi nomen, quod ligna resurgens,  
Si noctu aspicias, lumina vera putes.*

XII. Quoad *Cetacea* variae beluae marinae se offerunt v.g. *Balena Canicula, &c.* Quoad *Amphibia* notae sunt *Rana, Fiber, Cochlea*. *Cochlearum* tamen tractatio potius spectat ad dissertationem sequentem. *Fiber* animal est potentissimum inorsu, adeo ut non prius laxet dentium concursus, quam ossa concrepuisse audiverit. *Ranis* annumerantur *Bufones*. *Ranarum* verò os Mense Augusto adeo clausum est, ut nec cibi nec potus nec vocis usus tum super sit. Hyberno tempore latitant in puteis & cavernis. Verno tempore iterum etumpunt foras.

## COROLLARIA.

### I.

**A**N piscium temperamentum frigidum & humidum?


2. An Pisces carnem habeant?

3. An respirent?

4. An omnes pedibus careant?

5. An memoria careant, juxta *Basilium*.

6. *An Salmones & Haleces sola aqua nutriantur?*
7. *An pisces agrotent?*
8. *An omnes sint expertes vocis?*
9. *An curatio cæcæ Tobia aliqua ex parte naturæ  
vulæ?*
10. *An fumus cordis piscis Tob. & 9. Naturaliter Dæ-  
mones fugare potuerit?*
11. *An reperiuntur homines Marini?*
12. *Unde Remora naves remoretur?*



## DISSERTATIO X.

DE

## INSECTIS.

Resp.

Gregorio Horstio Ulmensi.

I.

**E**Xpositis Perfectis seu Majoribus Animalibus, sequuntur Imperfecta seu Minora, *Insecta* vulgo dicta, quæ & ipsa secundum Motus differentiam vel *Reptilia* sunt, vel *Gressilia*, vel *Natantia*, vel *Volantia*. Vermiculi enim, *Eruca* & *Cochlea* reptiles sunt: *Pediculi*, *Pulices*, *Cimices*, *Araneæ*, &c. gressiles: *Tipula*, *sanguisuga*, &c. natantiles: *Musca*, *Culices*, *Apes*, *Cicindelæ*, &c. volatiles.

II. Generantur autem tam in Macrocosmo quam in Microcosmo varia insecta. Ita dantur in animalibus vermiculi carniū, *Hippocr. de Morb. mul.*

pag. 535. & stercoris, Hippocr. de superfæt. p. 65. Ita quoque in Macrocosmo variæ vermiculi, lumbrici v.g. cothleæ nascuntur, & erucæ; de quibus Hipp. l. c. de superfæt. Inter vermes Microcosmi maximè considerandi *Dracunculi*, qui oriuntur in partibus externis hominum Indiæ circa Mare rubrum. Hunc morbum Arabes *Venam Medeni*; Hispani *Culebrillum* nominant, eoque corripuntur, si *Aequatorem* peragant à *Mozambique* ad promontorium *Guardafu*. Arabum hoc de argumento sententiam & doctrinam ex ipso textu originali eruditè eruit, atque explicat *Velschius* peculiari de *Vena Medinenfi* Exercitatione. *Dracunculos* ejusmodi ex corporibus Hebræorum Num. 21. exortos fuisse, ut crudeliter eroderent eorum membra, putat *Licetus* c. 51. lib. de spont. viv. ortis. Ast falso. Deus enim immisit serpentes populo, qui eos morderent extra, non qui in carnibus eorum nascerentur, uti patet ex ipsa læsorum curatione. Inter *Recentiores* singulari industria, multisque experimentis *Generationem Insectorum* illustravit *Fr. Redi*, qui, quanquam singulis ferè diebus ex cadaveribus animalium, nec non ex omni genere herbarum, florum & fructuum putridorum & corruptorum vermes nasci infinitos videamus, huc tamen fertur, ut credat, omnes hos vermes, ex semine paterno generari; & carni, herbarum aliarumque rerum vel planè putrefactatum, vel putrescentium in generatione Insectorum non alias esse pates, nec aliud officium, quam ut locum, vel nidum commodum præbeant, in quæ ab animalibus, dum nendi tempus instat, deferantur vermes; ova vel quodcunque aliud vermium sementi; qui vermes statim ut nati sunt, in hoc nido alimentum sufficiens & nutri-



tritioni commodissimum inveniunt, & nisi à matribus supradictum semen huc delatum sit, nullum ibi vermem aut aliud quid unquam generari. Vid. *dl.* p. 25. *seqq.*

III. Dracunculis multi annumerant *Sirones* de *Mitesser* / à quibus tabescunt infantes, quod scilicet ut vulgus putat, nutrimentum partibus subtrahant, atque depopulentur. Ast *Sirones* seu *Cridones* & *Cridones* nostrates non vivunt, non sunt vivi vermiculi, uti *Kufnerus*, *Schenkius* & alii voluerunt. In ejusmodi enim eminentiis nil quicquam observatur, quod vitæ testimonium perhibeat. Maciem vero quod attinet, accidit ea, non quod *cridones* alimentum depopulentur, sed quod materia illa viscida, quæ præter naturam in poris cutis retenta fuit, impedimento sit, quo minus calor insitus convenientem transpirationem habere possit, quam ob causam idem calor interius augeatur, ita ut admodum quidem appetant pueri & fame quasi torqueantur, convenienti tamen nutritione & augmentatione destituantur, eo usque donec cutis ab illis *Cridonibus* frictione adhibita liberetur.

IV. Inter vermiculos *Macrocosmi* *Eruce* quoque notandæ, viventibus plantis natæ, quarum centum fere species depingit *Aldrovandus*. Certæ autem ex certis Plantis oriuntur, certam etiam Plantam tantum depascunt, v. g. *Eruca* à *Ruta* prognata *Rutam* non *salviam*, *raphanum*, &c. depopulatur. Quoad Generationem *Erucarum* notandum, quod non omnes *Eruce* generentur ex semine *Papilionum* ad mentem *Aldrovandi*. Tempore enim

enim verno è rore & pluvis in Plantas decidentibus sæpè Erucæ generantur, antequam appareant Papi-  
liones. An domus *Cochlea* prior *Cochlea* dubitatur?  
Id manifestum est, fractam & collisam domum ipsam  
*Cochleam* restaurare, & quotannis ampliare ac ma-  
jorem reddere, eo modo ferè, quo quotannis major  
fit *Radix Sigilli Salomonis*.

V. Inter *Gressilia* insecta *Pediculi*, (quorum  
laudem *Hemsius*, peculiari Oratione prosecutus est,)   
considerandi, qui in Macrocosmo totis luteis maxi-  
mè infesti. In Microcosmo non tantum capti inva-  
dunt, sed sæpè totum corpus ad interitum usque, uti  
expertus *Sylla* & alii. Hinc *Serenus*.

*Noxia corporibus quædam de corpore nostro,  
Progenit natura, volens obrumpere somno,  
Sensibus, & monitis vigiles intendere curas;  
Sed quis non parcat Phærecidæ fata Tragedi,  
Qui nimio sudore fluens, animalia tetra  
Eduxit, turpi miserum quæ mortem tulerunt.*

*Pulices* vèro non tantum gradiuntur sed & saliant,  
adedò, ut olim autea catena *Artifex Aphritæ* revin-  
ctum habuerit. *Salviam* & *Anchusæ* radicem ferre non  
possunt, uti *pediculi* abhorrent à *Mercurio*, foventur  
à *ficibus*. *Araneæ* præter id quod textores agant, tactu  
præditæ sunt exquisitissimo. Earum tela in novo or-  
be aurei sunt coloris.

VI. Quoad insecta *Natatilia*, *Tipulæ* & *sân-*  
*guisugæ* exponendæ. *Tipulæ* in puteis & ubicunquè  
aqua se colligit, tertetia subsistente concretione ori-  
tuntur. Primus earum color candidans est; mox ni-  
gricans; tandem cruentus. *Hirudines* in flumine  
quodam *Mauritanæ* septem cubitorum gigni *Strabo*

refert. In his oris palmæ longitudinem vix superant, *Sanguisuga* dictæ quod sugant sanguinem. In potu absorptas olim testatur *Galenus*, quas expulit *Cimicum* suffitu.

VII. *Musca* verò &c. volatilia insecta sunt, volant enim per aërem alarum vibratu. Quæ sponte generantur, quandoque Plantas, quandoque animalium carnes agnoscunt patriam, uti fusius hæc probat *Aldrovandus*; ac *Apum* quidem spontanea Generatio, ex Tauro scilicet putrescente. Ita quoque *Culices* communiter ex aqua & aceto, non raro tamen ex Plantis generantur, & ex acido earum humore, quos *κάρωνες* appellat Aristoteles. *Apes* miranda in se continent plura. Venereos & impudicos atque ebriosos non possunt ferre. In locis multis *Ægypti* ex defosso cornuotenus tauro, apes temporis successu evolvant. Quin & *Apes numerare* scire, hinc colligit *Helmontius*, quod, si sint triginta alvearia, ex ordine locata, Apiculā manē evolans, numeret quotō alveari sit egressa; dein non redeat, nec intret, nisi prius renumeret ordinem: id quod facile probari posse, putat; nam si quintum aut sextum alveare transponatur septimo, aut alio loco numeroque inverso, *Apes*, quæ melle aut cera onustæ redeunt, putantes in suam *Rempubl.* lectum deponere farcinam, quintam aut sextum alveare repetunt; cujus cives cum sint peregrini, illi advenienti apiculæ eandem occidunt. Vid. *I. Venatio Scientiar.* inscript. num. 34. *Cicindela* verò noctu ipso splendent.

VIII. De sponte generatis Animalibus hoc notandum, quod quædam planè vilia sint non generantia, v.g. *culices vinarii*, & alii vermes similes: alia perfectiora

fectiora, generantia nimirum alios fetus, vermiculos scilicet & ova, è quibus postea animalcula ejusdem speciei procreantur. Ita Muscæ vermiculos gignunt in muscas adolefcentes.

IX. Hinc in quibusdam sexus discrimen quoque, ut in *Cicindelis*. *Carolus* enim *Vintimilia* in Sicilia id observavit, cum in vitro plures aleret pane madido, atque aliam *Cicindelam* noctu captam conjunxisset, quæ priores subegit eo modo, quo bombyces solent congregi. In ò altero die parere suppressæ ceperunt, semenque date forma & colore seminis milii.

X. Non autem tantum ex terra & aqua sed & ex nive viva insecta generantur, ab igne aut aere nunquam, teste *Differtatione 3. thes. 9.* *Pyrausta* enim non tam ab igne, quam à fumis oriuntur. *Lemmar* etiam *Norvegia* non ex aëre sed aqua & terra generantur. Vermes verò à nive progeniti hirti sunt pilis & rubidi, non aliter ac ipla nix rubea vetustate apparet. In nive *Mediæ* candidi inveniuntur & grandiores. Sub juniperis in *Islandia* etiam Sole in Leone ardente in nive generantur teredines.

XI. Ita quoque è pluviis, rore & nebulis multa & varia nascuntur animalcula insecta, quæ tamen ipsa terram & aquam agnoscunt patentes primos. Terra enim maximè fecunda est quoad hanc rem; habet enim semina virides generantia ranas. Ita pulices verno tempore è terra nascuntur; Ita pisces fossiles eruuntur in *Paphlagonia*, & in *Germania* *Pessifer* dicti *Agricola*. In terra enim, *Aristotele* teste, omnia quodammodo animarum plena sunt.

XII. Nec minus aquæ fecundæ sunt, stagnantes maximè, uti testantur *Tipule*, *araneæ*, &c. Insecta verò illa partim univocè generantur, ut *raneæ*; partim æquivocè, quando non simile producitur à simili, sed quando putredo succorum & excrementorum animalium & Plantarum varia insecta producit; quod ipsum quoque notandum quoad reliqua insecta generationis ratione,

## COROLLARIA.

### I.

**A**N omnia insecta sint exanguia?

2. An insecta vera animalia?

3. An sponte nascentia in prima creatione sint creata?

4. An Anguilla omni seminali principio destituantur, uti id colligere est apud Aristotelem 6. histor. an. cap. 16.

5. An animalia quedam v. g. anguilla generent sine coitu?

6. An animalium talis generatio spontanea, ut vult Licetus?

7. An Muscæ hyberno tempore mortuæ sint?


8. An insectorum generatio fiat in Microcosmo ab anima veteris animalis in corpore per excrementa, ut vult Licetus?

9. *An ab alimentis?*

10. *Qua causa quod sæpè venenata animalia per longum tempus morentur in Microcosmo præter extinctionem?*

11. *An animalia quadam in igne generentur?*

12. *An quadam in aere?*



# DISSERTATIO XI.

DE

# HOMINE.

*Resp.*

Joh. Ludovico Wizelio. Francofurtensi.

I.

**S**uccedit tandem *Hominis* consideratio, *Microcosmi* vulgo dicti, quod in materiali ejus opificio naturalis *Macrocosmi* motus analogice perficiamur. Ast falsa sibi Homo fingit somnia, falsis gloriatur titulis? Quodlibet animal, etiam *vermiculus*; quælibet *Planta*, etiam *Alga* *Mundus* est exiguus Majorem referens. Ubique Homo *Microcosmum* extra se inveniet, ipsi dejectio & humilitas, soli *DEO* gloria detur; qua de re *Jean d'Espagnet* alter ille *Sendivogius*, *Conseiller à la Cour*

II. Physicè verò Homo dupliciter considerari debet, Corporis scilicet & Animæ ratione, quâ non tantum vegetatur & sentit, sed & ratiocinatur. Quoad Corporis considerationem notanda Hominis generatio, & quoad singulas partes ejusdem constitutio. Generationis principia semen & sanguis maternus sunt. Semen scilicet maris & feminae; sanguis vero maternus ipsius fœtus alimentum fit, dum id per venam & arteriam Umbilicalem in utero suscipit Embryo, qua de re Hippocrat. noster de natura pueri, de Octimestr. P. de Aliment. de Gen. de Etate & alibi.

III. Partes autem singulæ dupliciter considerantur, externè & internè. Externè considerantur Physiognomiam, atque specialem illam divinatricem Chiromantiam, quam omnium optimè exhibet la Chiromanche de Patrice Tricasse des Ceraffars, uti Physiognomia accurate expressa est per P. Juvénal in Enchiridio de La Physionomie Lutetie expresso. Sed hæc relinquimus jam superciliis frigidis & naso bilioso. Internam partium considerationem nostram potius faciemus, quam absolvit Anatomæ.

IV. In ipsa Anatome facienda notandum Corpus Humanum dividi in tres ventres, & in artus. Primus venter continet viscera naturalia: Alter vitalia: Tertius animalia. Artuum nomine Manus notantur, & Pedes.

V. Infimus venter naturalia viscera continens respicit

respicit nutritionem & generationem. Nutritio fit chylificando & sanguificando. Illud fit mediante ventriculo, in intestinis & venis mesaraicis lacteis. In ipso enim ventriculo cibus mediante fermentatione à *Wir-sungiano ductu* producta, coquitur, & in chylum mutatur, qui postea per lacteas ex intestinis transit ad hep-  
par, sanguinis officinam. In Hepate itaque sanguis fit. Sanguini autem tum adest bilis, serum, humor Melan-  
cholicus, seu bilis atra. Et bilis quidem abit in vesicam & ductum cholodochum, serum ad renes. Bilis atra ad hypochondria & lienem, cuius alias officium solenne est, aqueam portionem cibi & potus ventriculo sub-  
trahere. Generationem quod spectat, fit ea per testes potissimum, unde iis exsectis generatio cessat in ani-  
mali.

V I. Medius vero venter viscera vitalia exhibet, inter quæ principatum obtinet Cor, cui intersunt defendenda quidem varia ossa, variaeque membranae; diaphragma, pleura, mediastinum, & pericardium, quod ipsum ceu regium propugnaculum Cor inha-  
bitat. Materiam verò ipsi cordi adducunt & abdu-  
cunt quatuor vasa. Primum enim vena cava sanguinem mittit in dextram cordis auriculam, quæ tum se con-  
stringens in ventriculum dextrum cordis pellit, quo re-  
pleto cor dilatatum pulsus edit, sanguinemque im-  
petuose protrudit per venam arteriosam, ob valvulas in-  
tus foras spectantes in pulmones, à quibus sanguis redit per arteriam venosam ob valvulas foras intro spectan-  
tes in sinistram, ex hoc per auriculam sinistram in aor-  
tam, ex hac in arterias totius corporis, ex his in  
venas, ex his in Cavam, atque rursus in dextram Cor-  
dis auriculam.



VII. *Pulmones* itaque & respirationis, & circulationis & eventilationis causa adsunt. Ipsum cor varias alias habet partes: *adipem*, *tunicam externam*, *vasa triplica externa*, *carnem*, *auriculas*, *sinus*, *septum*, *vasa quatuor interna*, *valvulas*, & quandoque os.

VIII. *Supremus venter* animalia viscera continens, Princeps membrum *cerebrum* exhibet, Pallados arcem. Omnium vero animalium homo maximum habet cerebrum, ob strenuas meditationes, quibus incumbit. Defenditur cerebrum per *pericranium*, *cranium* & *duas meninges*.

IX. Ipsum vero *cerebrum* dividitur in *cerebrum* propriè sic dictum, & in *cerebellum*: *cerebellum* duos processus habet vermiformes: *cerebrum* dividitur per *falcem* in partem dextram & sinistram, in quarum medio corpus *callosum*, *anteriores ventriculos* ostendens. Sub *fornice* vero tertius, & *circanates* & *testis* *ventriculus quartus* oritur.

X. *Alimenta* adducunt *venæ internæ jugulares* & *arteriæ caronidæ*: *septem* vero *paria nervorum* *sensui* & *motui* præsent, *mediantibus spiritibus* & *sensoriis* *externis* quibus *colores*, *sonos*, *odores*, *sapores*, & *qualitates tactiles* percipimus.

Et hucusque quidem notitia Anatomica antefecerim annos penetraverat; nunc vero plus ultra curiosa recentiorum sedulitas ivit, quæ demonstratur *chylum*, propter *jecur*, per *lacteas* primum *mesenterium*, ac deinceps peculiarem quendam ductum quem *chyliferum thoracicum* appellant, in *subclaviam sinistram* ingredi,

gredi, ac deinde in ipsum *cor* deferri, ubi primum elaboratus *sanguis* postmodum in *hepate* tanquam colatorio quodam repurgatur. Nec heic stetit sollers Anatomicorum industria; prodiit enim ante decennium, atque in Dania primum sese in humano cadavere extulit novum quoddam vasorum genus, *Lymphatica* appellant, quæ ex ipso *hepate*, uti hætenus demonstratum, ramis diversis in totum corpus, ipsosque adeo extremos artus perenni cursu feruntur, limpidissimo lymphæque simillimo liquore turgentia, in quorum usu atque officio detegendo clarissimorum virorum ingenia indies fatigantur utinam felici successu. Accessere quoque nupere *ductus salivales* novi prorsus, sed nondum, quod sciam, nisi in brutis animalibus reperti, per quos tanquam fluentia quædam & alveos ex glandulis vicinioribus, saliva in oris fauciumque cavitatem defertur. Multi quoque haud contenti nobilissimo illo *circulationis sanguinis* invento, *spiritus* quoque *animales* eodem motu in nervis circumgyrari suspicantur, idque haud levibus argumentis compertum, certioribus experimentis propediem comprobaturos pollicentur, quod quidem dies docebit. Embryonem insuper per os nutriri ex Hipp. astruere conantur. Imo majores semper vires acquirit eundo Anatomæ studium; cujus oculatis debemus manibus, quod admiranda *Viscerum structura* magis magisque innotescat; quod *pulmonum* substantia non tam carnosa, quam quoddam ex levissimis & tenuissimis membranis, (quæ extensæ, & sinuatæ infinitas penè vesiculas orbiculares, veluti in apum favis alveoli conspiciuntur, efformant,) aggregatum appareat; quod *Hepar* glandulosam substantiam habeat,

habeat, hujusque nuntio, bilem lymphamque à re-  
meante sanguine segreget : quod totum *Lienis* cor-  
pus quædam membranarum longeries in cellulas &  
concamerationes efformata atque distincta existat  
quod *Renes* substantiâ ex earunculis papillaribus, va-  
riisque valis & glandulis concinnatâ sint præditi:  
quod *Virorum Testiculi* minutissimorum *Vasorum*  
constent congerie; *Fæminarum* vetò quoddam vel-  
uti *Ovarium* contineant : quod *glandule intestinorum*  
notandæ, quod quoad *respirationis* notitiam multa  
desint enucleata ab *Entio* doctissimo. Et quæ plura  
id genus *Recentiorum* inventa recenseri *Anatomici*  
possent, nisi brevitati studendum esset. Nos profecto  
non ita in verba antiquorum juravimus, quin grato  
quoque animo præclaros etiam recentiorum labo-  
res agnoscamus, siquidem certis se experimentis tue-  
buntur.

## COROLLARIA.

### I.

**A**N dentes ossa?

2. An nervi oriantur à cerebro?

3. An sexus transmutatio natura possibilis?


4. An cerebrum sentiat?

5. An infans in utero respiret?

6. An cutis tactus organon?

7. An mares perfectiores mulieribus?

8. *An lingua gustatus organon ?*
9. *An oculus ignea natura ?*
10. *An jecur sanguinis organon ?*
11. *An cerebrum motu proprio moveatur ?*
12. *An lien possit abesse.*



## DISSERTATIO XII.

De

# ANIMA,

*Resp.*

Joh. Joachimo Victore.

I.

**C**laudat tandem Physicam *Animæ* consideratio, quæ ipsa actus primus est corporis naturalis, potentia vitam habentis; corpus enim tanquam domum suam gubernat, omnibusque corporis fungitur officiis, *Hipp. de insomn. text. 4.*

II. Est autem triplex ipsa anima, *vegetativa* scil. *sentiens & rationalis*. Vegetativa quidem omnia auget, & nutrit & germinare facit, uti loquitur Hippocrates noster de *Alim. aphor. 34.* Talis enim actus est corporis organici, quo illud nutritur, augetur & simile sibi producit.

III. Et *Nutritio* quidem talis facultas est, quæ par-

partium animalis corporis perennem fluxum restantur ex alimento in substantiam partium converso. Facultas enim alimenti pervenit & ad ossa, & ad omnes illius partes, & in nervum, & in venam &c. Hippocr. de Alim. aphor. 4. Ipso alimento ad partes delato, talem unumquodque speciem unicuique imprimit, quale ipsum fuerit, de Princip. text. 103.

I V. *Augmentatio* quantitatem totius, secundum omnes dimensiones auget, ut corpus animatum ad justam perveniat magnitudinem. *Augmentatio* itaque non durat ad vitæ terminum usque, ut *Nutritio*. Aluntur alia ad augmentum & ad esse, alia ad esse solum, veluti senes: alia insuper ad robur, ut verbis loquar Senii nostri de Alim. t. 19.

V. *Generativa* vero facultas talis animæ vegetativæ vis est, qua ex semine prolifico, nova substantia ejusdem speciei à vivente producit. Huic facultati nec puerilis, aut juvenilis, nec etiam senilis ætas apta est. Hipp. l. 1. de diætâ t. 223 224.

V I. *Sensitiva* attetm animæ facit ut tā āi dī tā percipiamus, auditione sonos, visū manifesta, naribus odores, lingua sapores, tactilesque qualitates Cuius, 1. de diætâ t. 212. Unde quinque sensus externi.

V I I. *Sonos* itaque audimus mediante instrumento idoneo, mediantibus scil. auribus, de princip. t. 117. Ipsum cerebrum non resonat, t. 118. Visio vero oculi actio est, t. 124. In oculo enim species visibiles extrinsecus recipiuntur veluti in speculo resplendent, t. 129. & seqq.

VIII. *Odoratus* autem facultas animæ senti-

va est, quæ cæto corporis organo, naribus scilicet per ærem & aquam percipit odores, t. 120. uti tactus fit medio cutis, & gustatus ope linguæ & palati. Sensuum judicium semper fallax, jam olim pronunciavit Fr. Picus Mirandul. l. 4. de vanitat. doct. Gent. c. 12. idemque denuò Cartes. Part. 1. princip. Philosoph. §. 4. & alibi propugnavit: sed benè Fr. Redi d. l. Errare opinionem mortalium clave sensuum destitutam: nec verò id cuiquam minus videre debere, ait, cum Ratio sine adminiculo sensuum curtas alas habeat.

IX. Præter sensus externos, interni considerandi, qui & ipsi à sensitiva dimanant: suntque sensus communis, Phantasia & Memoria, quibus additur instinctus naturalis, seu potentia appetitiva, quâ animalia bona eligunt, mala avertuntur. Per sensum autem communem omnium exteriorum sensuum species recipiuntur, atque sensibilia propria à se invicem & à communibus distinguuntur: Per phantasiam ex perceptis rerum sensibilium speciebus etiam absenti- bus aliæ eliciuntur: Per Memoriam vero species receptæ & dijudicatæ retinentur. Quiescentibus vero operationibus animæ sensitivæ somnus fit, cui sæpe accidunt insomnia.

X. Somnus enim fit à revocato calore. Quum enim (ait Hippocrat. de flat. t. 214.) corpus invalerit somnus, sanguis frigeat: Hinc somnus contingit, carne humectata, l. 1. de diet. t. 175. Somnium verò nihil aliud est, quam visum quid animalibus in somno apparens, phantasie proles maximè: sæpe autem falsa appa-

apparent, quandoque vera, qua de re Hippocr. l. 1. de insomniis. Non temere illis fidentium, ne illis consili deridendos se dent creduli illi superstitiosi somniores.

XI. *Anima* autem ipsa *Rationalis*, (cujus sedem Cartes. l. de hom. & l. passion. anim. part. 1. artic. 31. in Glandula Cerebri pineali constituere amat,) hominis forma propria est, divinæ auræ particula. Hinc etsi in sua essentia simplex & individua merito habeatur, nihilominus respectu operationum peculiare facultates attribuntur, *Intellectus* & *Voluntas*.


XII. *Intellectu* homo res intelligibiles percipit & dijudicat. *Voluntate* vero percepta & dijudicata eligit aut averfatur. Utrique insuper animæ tam *sensitiva* quam *rationali* competit *Locomotiva* facultas, qua animal vel secundum partem, vel secundum totum de loco ad locum movetur. Ita pro ratione instituti *Physicam* breviter, & *ὡς ἐν τόπῳ* exposuimus, docti meliora sequemur, *Lectori* enim simul spongiam offerimus, ut deleat, mutet, corrigat, & errata, quis enim hominum non errat? condonet. Intetum hoc opusculum *Physicum* Dei beneficio felicitet inceptum, ejusdem quoque gratia verbis *Psalmis* concludimus: *Quam magnifica sunt opera Tua Domine! Vir stultus hoc non intelligit, & stupidus hoc non animadvertit.*

## COROLLARIA.

### I.

**A**n *Anima* in corde radicaliter?

2. *An in uno vivente plures esse possint anima ?*
3. *An vivens semper nutriatur ?*
4. *An Elementum purum possit esse nutrimentum ?*
5. *An Lumen visus objectum ?*
6. *An imago vel res ipsa videatur in speculo ?*
7. *An Echo alius sonus à priori ?*
8. *An Odoratus in homine ignobilior ?*
9. *An odores nutrant ?*
10. *An interni sensus sedibus distinguantur ?*
11. *An homo in bestiam mutari possit ?*
12. *An carnis resurrectio possit Philosophicè demonstrari ?*



## *Lectori Salut.*

*Tertio anno post publicatam hanc Physicam; Caspari Manzii Jurium & Philosophiæ Doctoris, atque in Electorali Universitate Ingolstadiensi t. t. Professoris longè celeberrimi, Iudicium super illa quæstione: Vtrum dari possit melior, & Christiana pietati conformior modus docendi Philosophiam, quam sit vulgaris? in lucem prodiit; mihiq; (quod valde homogeneum, quoad Physicam tractandam & docendam, meæ intentioni videatur,) transmissum est, cum sequentibus carminibus, quæ æquiboniquè consule. Vale.*





## In Philosophiam Horstianam.

**M** Anzius Anglipoli monstravit compita recti.  
 Praclaro dignus nomine Philosophus.  
 Ille modum rectè concepit Philosophandi,  
 Monstravit tantum compita non iniit.  
 Horstius incedens cum magnâ est laude profectus,  
 Dum Physicam celebris tradidit Hippocrati.  
 Horstius Ulmenfis, Medicus notissimus ille,  
 Magni nempe viri maxima progenies.  
 Hic facilem & claram professus Philosophiam,  
 Quam laudant Docti, grataque posteritas.  
 En clarum rutilans sidus quod opaca recondit,  
 Illustrat densas quod radiis tenebras.  
 Abdita Natura pandit, secreta revelat,  
 Utilitate scatet futilitate caret.  
 Felix Anglipolis, longè felicior autem  
 Electorali Darmstadiana Schola.  
 Sunt tibi namque viri, qui monstrant compita recta,  
 Qui tamen incedant Hercule non tibi sunt.  
 Glorie te maneat victrix Bojaria telis,  
 Est tua Metropolis victa tamen studiis.  
 Anglipolis currit, studiū lectissima mētrix,  
 Sed statim primo deficit in stadio.  
 Marpurgum ad metam tendens celeri pedo pergit,  
 Non cessans brabium carpere propositum.  
 Cédite Marpurgo, praclaram cédite palmam,  
 Hac etenim comites, hac habet atque Duces.  
 Vivite felices tanto Doctore studentes,  
 Fas quibus Hassiacas, jusque subire scholas.

*Carrite veloces Medicina & Juris alumni,  
 Ubera lactiferi sugite plena meri.  
 Linquite vaniloquos, verum redamate Magistrum,  
 Et Peripateticum prendite Judicium.  
 Tu verò insignis Doctor, prænobilis Horsti,  
 In capto constans perge, Decus Patria.  
 Perge tuum ulterius studiumque operamque probare,  
 Nominis æternum querere mnemosynum.  
 Cedite Pseudosophi. Physici succedite veri,  
 Naturæ insignes pandite divitias.  
 Cede loco Physica, & vulgaris cede Sophia.  
 Succede in gratas Hippocratea vices.*

---

### *In Philosophiam fanaticam.*

**Q**Uæ metamorphosis rerum? quid secula fer-  
 tis?

Ut variant homines? ut variant studia?  
 Olim Philosophi, functi vice cotis, acutum  
 Ingenium juvenis reddere sunt soliti.  
 Doctrinisque suis nondum matura Tyronum  
 Assiduo studio judicia excolere.  
 Consuerunt Physici, duro mediante labore,  
 Naturæ abstrusas pandere divitias.  
 Hoc ævo nostro problemata ludicra, nec non  
 Difficiles nodos conglomerare student.  
 Philosophi nulli nugarum laude secundi  
 Consuevere meras promere quisquiliās.  
 Qui Physicam tradunt, naturâ sæpe relictâ  
 Supra naturam scandere non dubitant.

Entia multiplicant, quæ nesciit alma vetustas,  
Utile negligitur, futile diligitur.

Discipuli discunt, quæ non scivere Magistri,  
Nec Plato, nec Socrates, sed nec Aristoteles.  
Qui scit difficiles varias proponere nugas,  
Pollere excelsa creditur ingenio.

Ars longa est, & vita brevis : sed tempore nostro  
Quo brevior vita, ars longior efficitur.

Quanto lucidior, tantò præclarior olim :

Nunc obscura placent, clara placere sinunt,  
Nil hodiè pulchrum reputatur & ingeniosum,  
Quod non obscurum, quod neque difficile.

Quæstio nulla placet, quæ non fiet irretita,  
Quæ non sit pedicis illaqueata suis.

Turpe quidem dictu est , sed si modò vera fate-  
mur,

Remper se facilem difficilem efficiunt.

Laudem olim meruit, qui miscuit utile dulci :

Sed dulcis nostris non sapit esca Sophis.

Quæ recreare suâ possent dulcedine cunctos,

Nostri fastidiunt, prorsus amara petunt.

Hippocentaurus, vulpanser, inepta chimæra,

Semper in ore boar, semper in ore rudit.

Sæpius his dixi studium quid inutile tentent ?

Quidquid conabar dicere, fabula erat.

Hæc dum discuntur ; ficulus, inutile lignum,

Ipsc fit insulsus fabula discipulus.



*Caspar Manzius pag. 15.*

**D**ividerem ego *Physicam* in XII. Libros. In *primò* agerem de quatuor *Elementis*, ita quidem, ut ostenderem, quid unumquodque peculiare, & quid singula inter se communia habeant. *Terra* exponerem situm, primas qualitates, & secundas, varias affectiones, mirabilia, utilitatem, fertilitatem. Circa *aquam* considerarem quoque ejus species, qualitates, affectiones, mirabilia, ut & circa *Aerem* & *Ignem*; quibus expositis, agerem de activitate, contrarietate, generatione & corruptione, de ortu & interitu.

In *secundo* libro agerem de *Cælis*, sed ad sobrietatem. Nam, ut rectè ait *Bellarminus*, si de mundo visibili nihil perfectè intelligit homo, quid de *cælo*? Et tamen aliqui ita disputant, quasi è cælo veniant, teste *Petrarcha*: sufficit itaque aliquid tradere de cæli motu, influentiis, temporum mutationibus, sideribus, & mirabilibus.

In *tertio* libro agerem de *Meteoris*, vaporibus, exhalationibus, nubibus, fulgure, tonitru, pluviis, nive, glacie, pruina, nebula, ignibus fatuis, ventis, terræ motu.

In *quarto* de lapidibus vulgaribus & pretiosis, & quæ affinitatem cum his habent, deque eorum resolutione in elementa vel mixta imperfecta, de tincturis variis, coloribus, de conversione ligni in lapidem, &c.

In *quinto* agerem de *metallis*, deque eorum generatione, transmutatione, resolutione, liquefactione, coagulatione, concretionem, coloribus, ductilitate, lentore, gravitate &c.

In *sexto* agerem de *Plantis*, earum varietate, colore, odore, partibus: de succis, liquoribus, virtutibus: de generatione, nutritione, plantatione, ortu & intuitu; de fructibus variis &c.

In *septimo* agerem de *animalibus aquatilibus*.

In *octavo* de *reptilibus*.

In *nono* de *volatilibus*.

In *decimo* de *gressilibus*.

In *undecimo* de *homine*, & quia ipse componitur ex *corpore* & *anima*, corpus autem ex partibus integrantes, ideo inspicierem ejus nobilem structuram & compaginem, quam affabrè esset factus, quam belle compositus, quod duplex ejus temperamentum, quæ potentiæ, vires, sensus, functiones, operationes, affectiones, passionis, & cæteræ facultates; agerem de ejus generatione, incremento, decremento, cibo, potu, nutrimento, concoctione, augmentatione, somno, vigiliis, somniis, quatuor humoribus, vita, morte.

Et quia hoc loco *homo* saltem consideratur ut est animal, ea simul percurrerem, quæ ipsi cum cæteris animalibus sunt communia, quæ peculiaris. His finitis agerem de *homine*, quatenus ex anima & spiritu constat, deque ejus potentiis, operationibus spiritualibus, intellectu, voluntate, memoria, imagine **DEI**, creatione & emigratione,

tionem, de fine creationis, de virtutibus moralibus & similibus.

In duodecimo agerem de cæteris, quæ pluribus creaturis sunt communia, & de singulis comode tractari non poterant, uti sunt tempus, locus & quantitas, item de corporibus mixtis, in se quidem perfectis, sed in genere suo imperfectis, uti sunt monstra, prodigia, & reliqua, in quibus natura subinde deficit, item de avium & cæterarum animalium observationibus &c. *Quæ omnia conferenda cum iis quæ Manzius tradit & promittit pag. 12. in allegato iudicio: Utrum dari possit melior & Christianæ pietati conformior modus docendi Philosophiam, quam vulgaris (scil. Jesuitarum) sit? Ibi enim plenius ostendit, quâ methodo Physicæ fructuose tradi possit.*

F I N I S,

